

十五家詞

冊三



欽定四庫全書

十五家詞卷十三

休寧孫默編

尤侗百末詞下

中調

臨江仙

午日

庭砌香蒲一翦綠
紗窗梅雨瀟瀟鬧
粧兒女綵絲飄
珠簾桃葉渡
畫鼓木蘭橈
喚起湘纍休競渡
雲旗
游戲波濤江潭獨醒轉
無聊
古人應讓我飲酒讀離騷

擬辛稼軒

搔首問天天不語
光陰無計消磨挑燈看劍
自摩挲
澆胸冷熱酒拍手短長歌
遮莫英雄老去也
山林
經濟如何平章重事到
煙波鏡吹傳玉鴨
水戰教金
鵝玉鴨蛙名

又

少日揮戈兼躍馬
錦裘風雪行邊
十年回首鬢蕭然
蹇驢花下路
短笠渡頭船
憑寄壯心歌舞地
綠樽
翠袖紅絃不然散髮事金仙
蒲團香影裏橫槊自參

禪

蝶戀花

弔返生香

形管不隨春夢度留與人間啼哭相思句一本青編
紅淚註離魂縮入香奩住 髣髴真真紙上語為雨
為雲飄渺無憑據行到吳江楓落處自攜一葉歸家
去

一翦梅

夜落金錢花

曉風殘月過三生風裏呈身月下歸魂自憐薄命六
銖輕憔悴黃裙冷落紅塵 一家姊妹兩般分夜合
隨君夜落隨君春光真不值分文雖有錢神難買花
神

和李易安韻

織錦機邊蟋蟀秋萬里江風吹送郎舟空閨無處說
相思獨夜鳴琴西北高樓 彈罷清商兩淚流妾自
傷心君亦多愁雁魚消息幾時來纔望雲頭又候潮
頭

好女兒

佳人

一捻脂紅百和香濃半醉嬌聲半醒態在坐鞦韆雲
步搖佩玉臥曲鞦韆弓斜睇檀郎不語誰慣汝漫留
儂問此處不留何處去道朝上秦樓晚游洛浦夜宿
巫峯

泥美人

彼美人兮半面風姿誰向粧臺描五色有顧愴傳神
何郎傅粉張敞修眉可憐紅顏黃土立而望是耶
非問若個小名君識否是罷舞西施停歌子夜不笑
褒姬

漁家傲

漁父

天下滔滔皆是也風波滿地江河假鼓棹行歌君莫
訝誰知者離騷莊子吾其亞一尺篷舟雙槳打綠
蓑青笠人如畫潑刺黃魚穿柳掛收綸罷提壺閒共
樵夫話

春閨

夢鎖重樓春信杳彩絲偷把花魂釣籠內鸚哥沒緊
要頻嘶叫牆角海棠誰折了左右懶粧和悶倒上
裙嚙子驚人跳作怪鴉頭扯謊報才郎到愁眉錯對
菱花笑

定風波

納涼

不着衣衫不掃粧天邊趙盾逼人忙安得芳姿乞作
婢喚至手將團扇扇王郎却羨摩訶池上路行去
花梢口吸露珠涼攜手歸來竹簟睡枕臂玉魚吐出
口脂香

蘇幕遮

塞上二首

朔雲寒邊月苦齧栗西風吹亂黃沙舞夜半雪深三
尺許氈帳駝峯倒載琵琶女打圍來圈地去銀管
炊煙茶煑烏羊乳蠻府參軍窮塞主匹馬隨他看射
南山虎

塞垣長寒信早畫角嗚嗚吹破霜天曉一陣哀鴻殘
月小夢繞南雲淚溼征衫老拄青山吟白草燕雀
排衙公事彈琴了又報黃旗前隊到手板匆匆走馬
遼西道

風中柳

和孫夫人韻

郎上長安怎好說些煩惱但叮嚀馬蹄芳草自來月
下把淚痕偷告夢兒中教郎知道一紙家書不覺

低鬟微笑報平安歸期尚杳金釵翠鳳送香車須早
怕春去燕殘鶯老

行香子

春暮

紫陌金車綠浦蘭槎共追尋大地芳華三分春色分
與誰家有一分山一分水一分花 雨打簷牙月落
窗紗恨韶光轉盼天涯小庭寂寞底事爭譁是一聲
鶯一聲燕一聲鴉

江城子

春思

花朝去了又春分草如茵柳煙新油壁青驄爭踏武
陵春繡幙羅衣香過處人不見插紅裙長安士女游
春解裙圍繞名爲裙幄 紗窗寒雨最難聞冷爐薰

淡芳樽閒病閒愁獨對舊東君日暮捲簾南北望魂

欲化楚山雲

清明旅思

江城佳節也清明喜新晴午風輕寡柳孤桃粧點可
隣生羅襪繡鞋人不見空辜負滿堤青 客游隨分
踏莎行冷旗亭隔花屏無限家山綠水畫舸橫寶馬
雲旗香過處看玉手撥銀箏吳中是日虎丘看會士

千秋歲

感舊用秦少游韻

落花簾外點點殘紅退雲穗亂風箏碎愁拈翡翠管
恨折鴛鴦帶薄倖煞燕兒難捉鸚哥對 夢想瑤臺
會繡被同舟蓋錦字杳遺香在星移銀漢斷雨散巫
峯改魂去也化成精衛填青海

祝英臺近

憶別用稼軒晚春韻

玉爐殘銀燭暗畫楫維前浦黯淡東風早灑淚痕雨
惱他順水艎兒幾株楊柳甚力把征帆拴住 空相
覷欲將心事叮嚀題多總難數獨夜思量記起枕邊
語算來萬種春愁妾擔不起分一半與郎隨去

一叢花

游朱氏園亭次鄒程邨韻

江村杏杳半平沙木槿縛籬笆誰引劉郎來洞口隔
牆見人面桃花數曲欄杆幾條書畫也算小山家花
名人面桃 主人白髮話煙霞虛閣倚風斜池邊指

點平安竹穀雨近芍藥抽芽新出筍尖舊藏桂子撮
合點清茶

金人捧露盤

盧龍懷古

出長安臨絕塞是盧龍想榆關血戰英雄南山射虎
將軍霹靂吼雕弓大旗落日鳴笳起萬馬秋風問
當年人安在流水咽古城空看雨拋金鎖苔紅健兒
白髮閒驅黃雀野田中參軍岸幘戍樓上獨數飛鴻
最高樓

漫興

拋官去乞得小山居偃仰此生餘何用食爲十斛麥
未之學也五車書時還讀亦已種則何如待討个
漁童名便了再配个樵青名大好賽赤脚勝長鬚奴
更養奴千樹橘婢還釣婢百頭魚挈山妻同稚子且
相於

驀山溪

夏興

登樓極目又見斜陽下遠近兩三峯一點點翠眉如
畫鶯簧蟬鼓楊柳舞輕風人閒暇天瀟灑惆悵如何
夜白衣蒼狗閱盡雲真假今古總悠悠嘆舉世塵
埃野馬青天難問搔首且歸來沉醉也高眠罷月上
葡萄架

意難忘

元宵

春色佳哉報吳宮花柳羯鼓方催羽林千騎去華屋
萬家回羅帳地錦衣街燈火上樓臺看滿城星橋高
揭火樹叢開 月明車馬如雷有舞旋鮑老歌打洪
崖香塵移畫寫玉燭裊金釵簾幌下影徘徊聽笑語
談諧百忙裏鬪成燈謎擲與郎猜蘇城初撤防兵張
燈甚盛

長調

滿江紅

春閨

玉懶香顏支瘦腕行行立立頓藜枕鷓鴣屏外襯花
茵席行雨夢飛巫峽上隨風笑踏江南陌恨高樓故
故惱人眠吹長笛 攬衣起斜陽側臨寶鏡修山額
沾芙蓉粉汗倩郎溫拭羅帶小開錦翡翠雲鬟斜插
金鸞鵲倚香奩一晌晚粧成西窗黑

感遇

我醉欲眠且收了眼光青白分付與死便埋我陶家
之側天下山川吞八九腹中人物容千百任諸君拍
手笑狂生乾坤窄 破面鬼焦頭客福建子山東賊

問何人請劍何人投筆我夢化為蝴蝶舞醉來敲碎
珊瑚缺歎一腔熱血灑何時青衫溼

生日自題小影二首

鑄錯難成空贏得頭顱如許君不見此中有鬼英雄
無主世事夢迴關塞月文章浪盡瀟湘雨歎茫茫宇
宙此身多無謂處 山岳裏聊容與竹林下方延佇
但看他白眼科頭箕踞背後好遮王導扇手中只少
漁陽鼓攜一杯自祝畫圖前魂相語小像科頭跣足
坐竹林下童子執扇於後

甚矣吾衰誰畫出秋風蒲柳須信道相君之面不過
村叟車蓋鼓吹今夢覺空山晏坐搔童首問何人不
著鷓鴣冠惟君否 且避暑頻揮手謹謝客休開口
祇先生生日歸而謀婦半臂纔更一斗麵百錢恰買
三升酒對此君爛醉仰天眠看蒼狗何后謂明皇曰
不記三郎生日令何忠脫半臂更得一斗麵耶

思隱二首

寄語青山爲我築數椽茅舍更計較鑿斯池也衡門
之下屋後十弓放筍竹牆邊五畝栽桑柘還留些隙
地種梅花依臺榭 北海釣南山射東墅弈西園畫
有隣翁來往雞豚春社笑問老妻能去否蒿簪藜杖

歸休罷但囊中尚乏買山錢從天借

袞袞諸公看朱紫白頭隨駕儘讓與蠅頭蝸角冷杯
殘炙夫子漫勞冉有僕小人請學樊遲稼向深山好
作古田家義皇話 松菊徑瓜藤架麋鹿砦魚蝦
且醉吟高臥及時閒暇稚子浪尋青草鬪老夫合受
黃鸝罵倘城中有客訪吾來關門謝

上巳旅思

天朗風和是昔日蘭亭春社恨不見一時名士烏衣
王謝光祿文章曲水讌子山馬稍華林射到吾徒意
氣向誰人都休罷 四海事歸耕稼五嶽志銷婚嫁
但短衣長鋏棲遲傳舍醉去行歌城闕上醒來坐嘯
牆籬下聽大江滾滾客心悲流日夜

壽余淡心五十用吳梅村先輩韻

對酒當歌君休說麒麟圖畫行樂耳柳枝竹葉風亭
月榭滿目山川汾水雁半頭霜雪燕臺馬問何如變
姓隱吳門吹簫者 蘭亭襖香山社桐江釣華林射
更平章花案秤量詩價作史漫啜牛馬走詠懷却喜
漁樵話看孟光把盞與眉齊皋橋下

倦游初歸喜顧菴繹堂處實旣庭御之枉集

草堂和韻

梅雨廉纖問昨夜小池微漲漫一笑征衫乍脫故園
無恙翠籜移來石徑側黃鸝啼到桐陰上更村村煙
火起農歌田家餉報有客扁舟漾看滿座蘭亭唱
喜酒徒相對欲傾家釀却暑但揮蟬雀扇登高請進
蒲桃杖向西山指點夏雲生多奇狀

卽席贈顧菴學士

二十年來歎世事塵霾波漲喜老友跳歸燕市鬚眉
無恙皂帽幸辭遼海外青衫還泣潯江上問榜門誰
是脫驂人千金餉且上下隨流漾予解和公能唱
須澆開壘壘洞庭春釀屈指明年將半百看雲取次
從藜杖又何勞呵壁續離騷箋天狀顧菴長予一歲
明年五十矣予堂名看雲故用杜句

卽席送繹堂憲副北上并寓都中同好

才子仙舟坐春水泖湖新漲從此去黃河千里布帆
無恙玉殿傳臚原日下金門待詔還天上料長安早
辦文津閣本作他年定有大官廚爲君文津閣本作

卿餉

斜日外雕旗漾芳草路驪歌唱送關山牙棨

一樽清釀使客自騎沙苑馬野人獨倚柴門杖倘諸
公問訊僕何如窮愁狀

飛濤祠部辭疾不至東以訊之

太息丁生出塞去雪堆沙漲謝弋者遼東歸鶴令威
無恙浪跡偶來皋廡下端憂却據胡床上正提壺盧
橘滿林黃堪分餉 端午後蒲葵漾麥秋至螻蛄唱
君奚為高臥欲逃村釀遊子渡江不用檝健兒躍馬
寧須杖劇何堪新婦閉帷中婆娑狀

憶別阮亭儀部兼懷西樵考功湖上

我發蕪城趁競渡一江風漲為寄語池塘春草阿連
無恙白舫已乘東冶下青驄尚躍西冷上問錢塘可
接廣陵潮雙魚餉 采蓮棹湖心漾折柳曲橋頭唱
辦十千兌酒餘杭新釀王子正招緱嶺鶴孫登也策
蘇門杖待歸來贈我兩峯圖空濛狀時阮亭有秦淮
之役西樵與孫無言俱

寄呈荔裳觀察

北望盧龍痛精衛魂填溟漲何幸得南樓老子下官
無恙千里相思風雨夕十年重遇江湖上笑故人祇
有一杯尊為君餉 飛蝶夢游絲漾騎馬地朝雞唱
算半生白髮星星愁釀笠澤煙波宜載酒泰山日觀
聊攜杖再休提宋玉賦秋風悲哉狀

苦雨書悶

積雨東籬雷隱隱水雲時漲休夏好繩床藥臼消磨

微恙讀史喜觀秦楚際詠懷高話羲皇上笑饑來驅
我走天涯無人餉 愁何許懸旌漾悲未已吹篴唱
怪衆人皆醉覆杯沉釀勘破黃梁道士枕打開白業
瞿曇杖咄何來修竹彈甘蕉紛投狀

顧菴復和八首見示賦此答之并貽旣庭

何物文心筆陣老墨池飛漲賈餘勇吟成八詠撚髭
無恙公子七哀傳鄴下大夫九辨賡江上驚從而和
者曲彌高二縑餉 倒詞峽直潢漾短歌闕長歌唱
只江郎才盡渴求杯釀我倦欲投斑竹管公豪任奪
青藜杖問紅箋填得幾多愁難於狀

水調歌頭

贈隱者

左手招明月右手引清流遂棄人間俗事長伴赤松
游春與援兮吟嘯秋與鶴兮飛舞八百歲春秋夜授
南柯守朝拜酒泉侯 攜玉杖吹鐵笛酌金甌醉鄉
高臥掉頭那問帝王州自謂羲皇以上無論晉魏之
事涓子不能傳我亦問津者願泛武陵舟

解嘲

卿自用卿法吾亦愛吾廬一生着幾兩屐安用美哉
車種得東籬五柳飲得東臯五斗此外又何須已夢

珍做宋版印

我為蝶誰識子非魚
書咄咄談悶悶解如不如
說鬼妄言妄聽莫辭無人貴及時行樂我也逢場作
戲軟飽黑甜餘勿問九州事且臥一床書

滿庭芳

風雨夜懷卿謀

折絮天風凍花側雨薄寒新上羅衣可憐人意恰對
可憐時幾度思量往事回首處風景淒其難生受黃
昏院落獨自怎支持想伊人此際籠香弄筆翦燭
吟詩待扁舟相訪夢到還迷只聽數聲歸雁斷雲裏
叫過樓西呼來問又推深夜不肯寄書飛

鳳凰臺上憶吹簫

夢亡友卿謀

玉樹生埋香鉤殉葬人間無限傷心聽山陽隣笛淚
破衣襟長憶連床對酒燈影裏淺笑微吟斯人死坐
看卿輩誰是知音追尋天邊去也盼十二樓中雁
斷魚沉甚風吹環珮夢倚瑤琴依舊壁人一對攜手
處翠袖花簪應歎我關山搖落鬢髮蕭森晉人云使
卿輩存斯人死

漢宮春

觀演邯鄲夢

咄咄臨川能現夢中身而爲說法邯鄲道上一枕悲
歡離合青驢黃犬好粧成紅妻綠妾等閒看鬼門關
外何殊洛陽宮闕 休笑盧生癡絕算一場春夢大
家收煞黃梁半甌炊過幾朝年月曲終人醒玳筵前
酒杯猶熱又歸來獨眠孤館今夜應添白髮

聲聲慢

旅思用易安韻

花開柳閉燕去鶯來東君于甚休戚一樣春風二十
四番消息朝來又添細雨大江頭落潮偏急春莫去
縱他鄉暫遇故人曾識 休笑春光已老看鏡裏白
髮數莖堪摘苦把春風留住住怎能吹黑空着枕頭一
半聽銅壺淚點同滴這時節便夢中人到也得

夢揚州

客廣陵用少游韻

晚潮收數隨宮花月都休寒雨蕪城綠楊三月如秋
市門十里黃埃滿但往來車馬星稠紅橋畔青樓底
誰人勾當春愁 追想天津閣本作思樊川狎遊報
書記平安廿四橋頭笑我多情鬢絲禪榻空留紗燈
萬點歸何處枉斷腸錦瑟簾鉤平白地揚州夢醒惱
亂蘇州

玉蝴蝶

雪窗憶卿謀

浙浙蕭蕭瑟瑟疎疎密密整整斜斜算有三分牆角
數點窗紗響茅檐風敲斷竹迷野渡月上平沙浪相
誇瑤林瓊樹種玉人家嗟嗟閉門高臥羔兒無分
且喫團茶翹首天涯空吟冰柱憶劉義盼書郵浮沉
征雁尋驛使冷落梅花問君家剡溪不遠可泛星槎
賀高二亮納姬湖州

應是三生杜牧深紅淺綠再接花枝正好珠璫佩解
金雀鬟垂定情詩早憐碧玉小名錄恰比紅兒儘綢
繆描殘翠管寫盡烏絲相宜綠衣方小青衫未老
絳縷初飛顧曲郎君記歌娘子接新詞學秦箏爭傳
妾解偷吳語未許歡知畫中人五湖一葉載到西施
念奴嬌

午日旅思

葵花艾葉依然是前度端陽家數菰米蘭橈問甚處
弔望楚天雲樹乳燕初飛流鶯三弄幾陣黃梅雨飄
零湖海何堪蕭寺孤注遙念寂寞紗窗菖蒲翦了
黯停杯無語別恨離愁添幾許鬼病懨懨情緒整日
沉眠夢魂無賴不到長洲路除非借取畫舸競渡歸

去

和彭羨門韻二首

虛生浪死奈頭顱，漸秃肝腸如碎飛。將高皇時不遇，
却遇灞陵亭尉感。慨何爲不如歸去也，學糊塗醉文
章。憎命此生萬事難，遂眼。看世態悠悠西江有水
不到枯魚肆，脫了青衫披綠箬。且飽銀絲鮮鱸棄，蟻
亡羊於魚得計。吾讀徐無鬼，人間不樂相忘。惟一回
睡。

先生休矣歎元龍，豪氣俯同羣。碎借問史公牛馬走，
豈若爛羊都尉滿。座貂蟬狗偷鼠竊，偶爾乘天醉。何
如尋取當年初服，堪遂君見入市者乎。朝來駢足
日暮成空肆，損益盈虛都似此。所以步兵思鱸漏盡
鐘鳴夜行不止，所見無非鬼。人生一夢幾時喚醒，
睡。

贈吳梅村先輩用東坡韻

江山如夢歎眼前，誰是舊京人物走。馬章臺行樂處，
尚記紗籠題壁椽。燭衣香少年情事，頭白今成雪。杜
陵野老風流獨，數詩傑更聽法曲淒涼。四絃撥斷
清淚如鉛發，莫問開元天寶事。一半曉星明滅，我亦
飄零十年湖海看。雨絲風髮何時把酒，浩歌同送明

月

送孫無言歸黃山和顧菴韻

忽聞長嘯是蘇門鸞鶴遺音清絕彈鋏歸來櫛具劍
更鑄山田耕鐵手拍浮丘吾廬偕隱漫卷君卿舌署
門謝客白雲無處停轍 回首花月揚州幾年夢醒
暫賦蕪城別騎鶴吹簫人在否笑看迷樓煙熱垂老
生涯首陽柳下計較誰工拙遲君贈我三十二峯寒
雪

桂枝香

月下

晚風搖曳漸吹落殘烏素娥睡起驚看鏡殿堆玉晶
宮映水井梧颯颯敲窗紙怨鴻啼蘆花岸裏黃昏院
落畫欄獨倚寸心如死 秋色三分將盡矣更寒煙
滿目疎鐘第幾四壁蟲聲助予歎息而已南飛烏鵲
無枝止笑歸來昨非今是今夕何夕舉杯邀月陶然
醉耳

水龍吟

楊花和東坡韻

美人滿院紅粧綠珠忽向高樓墜非雲非雨非朝非
暮一天春思繡閣嬌慵厭他輕薄重門深閉奈偷從

牆角窳來窗畔人前故眠羞起
可惜風流掃地賴
多情青苔牽綴生成薄命飛來又被鸚哥啄碎一縷
殘魂浮萍再世去隨流水想深宮拾得踏歌連臂有
人垂淚

捲簾但見飛花何時開起何時墜玉人如夢隨風游
戲幾多愁思爲問章臺青青在否宮眉應閉剩蠻腰
解舞飄颻上下還學三眠三起
分付雕梁燕子好
銜將小巢縈綴謝娘纖手搓來捏去團成復碎忽地
傷心人間天上落花流水倩軟綿堪拭此中洗面只
餘清淚

石州慢

和高季迪韻

花信頻催二十四番雨飄風灑多情最是風流楊柳
瘦腰一把樹猶如此何況人倚欄杆游絲和夢愁牽
惹淚斷錦迴文借烏絲重寫
姚冶玉人應在燕子
樓中湘簾垂下記得青鬟微笑紅牙輕打而今寂寞
空想院落鞦韆幾時再駐牆頭馬驀聽杜鵑啼道東
君歸也

拜新文津閣本作星月慢

惜別

香霧雲鬟清輝玉臂雙照淚痕猶在忍令分攜怯空
房難耐無人處生怕落花風起輕把檀痕吹壞惜惜
情懷料身中不快 問何曾走馬章臺內又非因帶
甲榆關外何苦東去西飛判相思分界看彈琴誰寫
芙蓉黛伴薰香莫縮鴛鴦帶只好教籠裏鸚哥咒那
人無賴

綺羅香

詠香

髮髻初梳禪襖乍脫文几鵲爐先置銀葉如錢半晌
篆煙纔度繞紗幮爲雨爲雲罩繡閣非花非霧更憐
他入袖衣裳徐徐引到銷魂處 玉人體自生香借
三分迷迭助成佳趣心字裝成還向月中微步讖好
事喜結雙絲訴幽情私添一炷付鈿盒小玉珍藏莫
放郎偷去

歸朝歡

澄海樓

家在芙蓉江畔住兩槩沙棠桃葉渡天風吹我北溟
來芒羊一望無窮處漫將秋水註此時好讀玄虛賦
倚危樓不聞呼嘯滿耳驚雷雨 却怪馮夷緣底怒
白馬乘潮鳴急鼓鮫人又喜起樓臺璇宮出市珊瑚

樹風鬟霧髻，女戲彈寶瑟。來迎汝，趁漁舟。一聲欸乃，送我蓬壺去。

望海潮

觀獵

遼西重地，東臨碣石，朔風塞馬蕭蕭。臺上呼鷹，磧中走狗，千人弓箭橫腰。牙纛抗招搖，看雕翎落處，雨血風毛。日暮山空，寒烏饑兔正悲號。將軍坐地分曹，有健兒行炙，美女彈槽。再打一圍揚鞭歸去，戍樓畫角聲高。何似霍嫖姚，笑當年猿臂射石空勞。顧語參軍，醉中磨盾好揮毫。

望湘人

閨信

自君之出矣，獨宿空房。繡衾慵爇，龍腦背著燈兒側。身帳底多半，和衣睡倒，簾幙花香，欄杆燕語。月明如曉，好良宵滿院，春風不見斷腸人到。乍夢被郎呼去，向畫屏深處，輕憐低笑。正勾當相思，一晌銷魂未了。無端撼起流蘇，微動驀地，把人驚覺。閒滋味費盡思量，私下報郎知道。

風流子

醉中作

吾生祈一夢將進酒結客少年場願貴比五官芙蓉
車蓋豔齊二婦玳瑁釵梁封侯事建牙刑白馬挽箭
射黃顰鏡吹歸來角巾辭去拍肩泰華濯足滄浪
醒來都不是看衣鷄馬狗兩鬢秋霜贏得一官孤竹
三徑柴桑只宋玉招魂偶逢神女相如草賦曾視君
王且向樽前醉也長短歌行

沁園春

反止酒有序

辛稼軒有止酒詞然吾輩酒狂也又當此時此中
雅宜此君豈忍囚酒星於天獄焚醉月於秦坑哉
陸醜前來枚卜功臣衆口交推彼從事齊州清為聖
德督郵鬲縣濁亦賢才堯舜千鍾仲尼百斛子路寧
辭十榼陪髡一石更先生五斗學士三杯 嘗聞上
頓長齋即乘馬騎驢事盡佳况卓家少婦為君滌器
楊家妃子為我持壘山帶蘭陵水連桑落麴部分茅
議允諧咨汝醜俾侯醴泉郡曰往欽哉

夢卿謀有序

小春月夜夢與卿謀作一夕話有客二人有酒一
壺酒後耳熱卿謀賦如夢令二闋示予予讀竟欣
然和之相視一笑二客方苦吟予已瞿然覺矣初

醒盡能記憶及東方既白遂成恍惚惜哉數日後
念此反爲傷神因紀此相寄嗟乎豈非所云如夢
者耶

有美人兮攜手同行其樂只且喜化爲蝴蝶中宵起
舞喚他啼鳥野店提壺一曲高山再歌流水聽者鍾
期鼓者俞長太息曲高而和寡其信然歟 顧君與
我何如彼天下紛紛安足拘嘆故人千里遠遺端綺
主人倉卒遽贈文無薰帶荷衣倏來忽逝烏有先生
對子虛開戶視不見其處矣搔首踟躕

罪酒有序

余旣反止酒數與醕往來稱肝膈友已而病憊嘔
出心血醫者曰是酒之罪也天有酒星故傾於西
北地有酒泉故缺於東南人有酒腸故傷於中心
若妣彼狂藥亦如劉將軍負鍤從之耳子惕然吾
待醕不薄奈何負我請絕交於是復召陸生而告
之

醕若毋聲以酒爲名乃罪之魁算持蟹螯者甕中就
縛吹龍笛者水底長埋金盞纔擊玉山便倒玩我真
如兒戲哉腐腸藥甚良醪可戀心腹當災 今朝焚
了糟臺又何問蓮花白玉杯倘君將伐狄臣當執御

人能擊杜吾願持鎚革奪黃封驅除綠蟻土爵壺觴
賜自裁醕不道削汝懿侯職以警將來

摸魚兒

春怨

問東君賺春何意春來還見春去滿園花事剛三五
都付斷腸風雨花尚爾又況是紅顏薄命愁眉嫵美
人日暮便紅豆歌成翠盤舞罷難買君王顧 看千
古算總是風流易誤姊歸空築青墓梅妃休怨樓東
賦弔取馬嵬黃土君莫訴君不見英雄失路還悲苦
楚歌楚舞試去聽琵琶青衫翠袖雙淚幾行數

賀新郎

塞上

天末盧龍道看數分山崖聳峙河流低遶極望長城
煙一抹但見黃榆白草又添得孤鴻縹緲寒月如霜
沙似雪想當年有客傷心早重畫出邊愁稿 短衣
自倚高樓嘯弔西風一杯殘酒淚痕多少漫說明妃
出塞苦不見玉關人老更減盡英雄懷抱剩有琵琶
渾不似倩盧兒彈出涼州調公莫舞烏啼了昭君令
工造琵琶笑曰渾不似今訛爲胡撥四

蘭陵王

傷春

江南陌裊裊東風弄色垂楊畔寶馬香車芳草王孫
自相索美人雲鬢側夢破殘紅半碧尋春去鶯送燕
迎十二欄杆夜猶立繁華等陳迹但雨澁莓苔風
動葵麥游絲漠漠和愁織試目極千里斷煙寒食隣
雞野哭如昨日落落淚盈尺追憶恨何及問老去
東君爭似書客天荒地遠無人識算往事祇付數聲
漁笛今宵沉醉舞短劍歌昔昔

多麗

夏景

畫梁間日長午夢初殘倚薰風暈紅如醉無言情思
闌珊捲桃笙自尋墜珥掩金詞斜撲輕紈茉莉茶甘
鷓鴣香細儘堪消暑小屏山無心理鈿箏瑤管棋局
也慵彈閒排遣白敲冰脆紅點梅酸侍兒報花梢
月上清光怯射越羅單浴蘭湯微揩粉汗插犀梳亂
挽雲鬟院落沉沉夜涼似水蕭郎頻喚展琅玕還一
笑背人行去等待向更闌却尋到薔薇架下獨凭欄
杆

六州歌頭

有客勸予出山者書此答之效稼軒體

客何爲者勸我曳長裾人所愛熱官耳顧愁予不相
如君見居官者苦思慮勞筋骨工笑語勤奔走乃多
譽我則異於是矣體多病藥物長須慣科頭晏起
懶向府中趨禮法全疎古之愚兼嘗捫蝨喜曝背時
強項或撚鬚諸若此皆不可一朝居愛吾廬種豆南
山下幾個竹映芙蓉驅山犢彈野雀釣江魚況有
老妻釀酒任醉後拊缶歌呼有山公啓事報以絕交
書客且歸歟

十五家詞卷十三

欽定四庫全書

十五家詞卷十四

休寧孫默編

陳世祥含影詞上

序文從文津閣本補

語言文字之所發恆本乎其人之性情嘗持此以取友百不失一今讀吾友陳子散木含影詞而竊有怪焉散木素狷介不爲苟容落落寡合與同好堅則金石意所不屬望望然去之性嗜飲善治觴政生平博覽強記每與座客會隸事肆應不竭健辯論遇客或不合抗首立拄之不小遷隨或憾焉散木聞而曰我之所嫉怒我固然卽爾見喜正復何益予嘗述其言其舉于鄉也方弱冠當是時士子以科名爲貴競以得失相重輕散木才勇氣銳得此又蚤盛自期待岸然不與庸俗接其慕之而不獲從與游者多怨恨散木絕不爲意旣屢困公車又顛連大故不得已而筮仕得保定之新安令終以不肯折腰解組歸益獨行其意託興于詩詞雅好游名山水之所在淹留至忘歲月家人生產不問也夫以孤騫簡傲之性而爲填詞則妍越斌媚淫放蕩逸如冶容靚粧目遇心搖使

予初未交其人而遽讀其詞謂出自風流年少無疑也皮日休常怪宋廣平之爲人謂其鉄心石腸而爲梅花賦則清便豔發類南朝徐庾體仿之而作桃花賦穠麗纖巧亦極其致東坡序沈太守牡丹記則云公自耆老重德而予又方蠢迂闕其于此書無乃皆非其人以予觀于散木亦云然哉梓成屬序于予予曰散木之詞不待予文而傳也然千載而下讀其詞而觀予斯文以想見其爲人則其人之性情非予莫之傳也然茲刻也爲家桴菴董其役以傳于世則桴菴表彰之功謂又可沒也哉

小令

閨中好

還書

書空寄閣著不開封添上儂邊淚還君訝不同

夢江口文津閣本有注卽單調望江南

春盡

春去罷因甚却關情最是柳絲長不了何來燕子語

偏明怕要下階行

南鄉子文津閣本有注第一體

倦

重門深閉細草如煙煙滿砌日長睡起獨凭欄看鴛鴦雙雙飛去又飛還

西溪子

不至

留得暮雲千葉葉葉都成愁結倚高樓山凝碧人獨立待不思量又憶憶成癡月明知

如夢令

莫春

聽說莫春來到不忍見花成草欹枕問巫山又被鶯聲喚覺黃鳥黃鳥有箇人兒煩惱

睡醒

誰道客愁蕭屑偏有梅花交接意味恁幽清投向詩魂安貼奇絕奇絕又是月光如雪

昨日

花朵朵如人淚一盞酒來竟醉攔醉不教醒看好時光都廢無味無味滑是一團疑謎

席上有贈

聽徹玉簫聲裏字字雨雲旖旎醉眼豔會波散作坐間霞綺倦矣倦矣好向人懷便倚

客中

纔看桂花黃絮待趁晚潮歸去真正沒來繇便把冬
春發付還住還住又是紫薇一樹

次梅木山夜坐韻

鉤月刺開雲空簾外紫薇影重我也憶當初聽徹紅
樓啼鳳都夢都夢一樣悄然情動

天仙子第一體

苦雨

織盡雨絲難作匹巡檐一鳥窺人立不知天有幾多
愁風恁劈冷雲積應緣誤發殘花檄

定西番

冬日敬亭讌集

鎮日樓頭相對鋪月澹著雲輕枕前橫踏向稜稜
冰壑水泉流暗聲三尺籬松剪剪似籬僧

長相思

郊行

開花風落花風酒旗安頓小橋東教人駐玉驄
重溪兩重溪弱柳遮藏曲曲籬黃鶯獨自啼

相見懽

再晤西若

輕輕颺起嬌紅小春風迎到闌干側畔出簾櫳
言斂

眉語攜手步意無窮那時去也魂斷畫堂中

思帝鄉 第二體

雨不止遂阻郊遊之約

都休留春春也羞樹樹好花落盡似清秋怕向文津
閣本作是樓前望見休教上玉鈎又是垂楊影裏叫
鳴鳩

歸思

歸休百花香欲流正是淺紅柔白滿汀洲好去周旋
芳草風光到處收莫待落花庭院惱斑鳩

醉太平

偶見

珊瑚文津閣本作珊玉鈎飄飄翠幃倚闌瞥見溫柔
是誰家畫樓欲窺又羞欲行又留盼人頻轉香文
津閣本作迴眸怎教人不愁

蝴蝶兒

春詞

蝴蝶兒拂花枝紗窗小女學新詩拈來微詠之
則和花睡雙雙似有私相看陡地動人思停毫不語
時

昭君怨

春陰久寄姑孰

煙雨瀟瀟寒重待盼青山成文津閣本作如夢夢裏
是離愁古揚州江水五山雲遠寸寸客懷如剪莫
要寫新詩晚來時

女冠子 第一體

春日

相思獨自不及雙雙燕子鎮相憐花影勤催日爐香
嬾續煙夢中空有淚鏡裏更無言任他飛燕子不
開簾

點絳脣

聞箏

煙靄全收遠空一色青如削笛聲依約向酒腸頻掠
翻下庭花字字相思託牽情著月兒將落人在闌
干角

浣溪紗

午泛歸西園

蝶子尋花逐逐忙一溪春綠膩歸航杏煙深處讀書
莊織柳欲成鶯襯貼壘巢未就燕商量迎人小犬
出東牆

小窗

流水流雲入畫圖畫來端的總模糊小窗筆墨太生
疏乳燕聽時如可解落花掃去又誰鋪焚香整日
破工夫

閱世說新語

頭上還餘漉酒巾庭空不曬寶吾禪庾郎此日未知
貧赤玉胸中無宿物藍田舉體豈常人長卿慢世
我思存

夢中作

萍子橫鋪絮一池綠窗正擬落花題一春情事鬢先
知未免多情風力倦可能無恨月容衰扶持好夢
與鶯兒

贈采文

雛筍初齊萬綠香參紅束素小兒郎生來宜近讀書
窗沉甲細添簫局火芥尖鮮試越羹湯學書教寫
十三行

再示采文

香粉揉成玉琢將愁情嗔態總難忘箇儂年紀正思
量睡裏著驚真覺怯笑中推酒未全莊悄無人處
可相當

初夏

只說春歸不惹愁辭春還與悶相勾草窠遍地碧如
油鶯舌已無前日滑柳腰可似向來柔斷腸都在
最高樓

將雨

莽霧癡雲釀宿陰較儂愁緒一般深日長無事費沉
吟要頓閒情拈蠟葉怕粘冷夢熨香衾小窗今夜
雨淋侵

贈璫孫

自是緜山品絕倫珠勻玉瑩想風神乳名直得喚珍
珍摒當筆床都蘊藉捧持酒盞更溫文越歌應不
忿莊辛

戀情深

贈妓

掩袖留香香未許弱煙如緒雙絲花罅透雲痕欲銷
魂低鬟小語不教聞鶻腦為郎溫微雨淺寒吹戶
燭黃昏

歸國遙

樓上

非悞沙觜水痕遊子路只為遠山相護把行人隔住
看得暮雲棲樹晚風都似絮又是歸鴉無數傷心

和影訴

巫山一段雲

四月二十日

是客雲爲夢飄零惜去年斷魂曾泥酒尊前衣帶鎮
相憐 舊曲閒翻譜新聲自注箋小窗心性夕陽天
幽意若爲傳

減字木蘭花

晚閨

愁人隻影燕怕淒涼歸不肯却去花間展轉空將翎
翅翻 惱人明月悄地來窺藏不迭待向房中又是
清清冷被籠

獨坐

曲闌新竹一碧碾成千箇玉靜掩籬門野鳥聲聲亂
喚人 綠陰如許小袂輕涼疑墜雨閒譜詩餘偏向
芭蕉葉上書

自遣

憶春無幾愁到而今今夏矣萬頃寒雲夏已賒秋二
十分 愁懷抖亂晴雨難憑誰可斷雨意如癡點滴
都無絲又絲

題宗梅岑小香居士像同王西樵作

吟情如許日向人間題好句誰信屯壇老矣吾徒三
十年重尋舊藁人道君家當日好問取圖中却遜
文津閣本作向吟情老更工

菩薩蠻

閨怨

落花萬片如堪數和煙織就相思縷甚處叫黃鸝黃
鸝却叫誰遊絲無箇事只管隨花住歸燕鬪人愁
雙雙踏玉鉤

社集看菊

庭無凡卉花壇淨小闌披拂隨花性大醺總深觴花
容入酒黃翠紅兼豔紫白更佳如此醉倒便花前
攜花伴月眠

客夜

冷風索索尋窗紙那堪更是廉纖雨半睡過黃昏殘
燈偏著人閒愁無可破夢裏成真箇醒睡總來難
雙眸枕上乾

題閨人繡幅

倪迂戲寫秋山藁兩間茅屋霜林曉屋後枕高難蕭
蕭竹幾竿指尖聊染渲直作鍼神看小置畫圖中
香閨一夜工

夜飲梅花閣用前韻却贈主人

尋幽每愛郊園淨晴郊得盡風雲性新釀恰浮觴充
盤一椀黃爛熳楓楓遍紫梅不秋來此一夕抵從前
更深仍未眠

贈友人

句拈本色求圓淨柳周香豔詞天性佳句引傳觴秦
歐自壓黃選花黃白紫餘色何堪此更要索從前
挑燈共不眠

幽晤

上弦月落黃昏院驚人乍似雙飛燕已是出來難疎
屏又夜寒拚得相思各莫更人前謔欲語轉嬌晴
知卿夢裏曾

閔際行花乳茶

仙人高掌空青雨玉蓉幾點花頭乳一葉乍沉甌春
雲自在流蘭香誰可贈已證松蘿聖瑞草陋陽坡
除非訪穆陀

訴衷情第四體

本意

癡雲癡雨寵風姨庭草盡情肥說來一春花事都是
惱人時花裏坐看花飛斂雙眉多情燕子片片飛

花拾上香泥

謁金門

晚寒

衣索索早被晚風知覺穿過繡簾來作惡故欺人軟弱
燭短香輕衾薄遊子天涯無諾不記新秋珍重
約共誰人戀著

晚醉

無事好長得一庭芳草放著閒雲閒不掃閉門雲杳杳
興到酒瓢獨酌便向蒼苔醉倒睡趁斜陽剛一
覺掀髯還獨笑

好事近

山寺曉步

細雨潤園蔬蔬甲一時如鏃插槿籬門還閉有高人
睡足竹溪是處筍成林新筍青于玉倦向溪邊小
坐已塵襟都浴

夏閨

曉倦起來遲已是蜂衙將散燕子一雙私語落啣來
花瓣雲頭雨過響稜稜打檐花冰綻又早半天晴
碧寫峯巒千萬

更漏子

秋雨

漏聲殘燈影碎一箇人兒怎睡閒繡被冷香篝孤幃
見也羞芭蕉樹芭蕉雨恰似和誰共語雨滴瀝淚
闌干相陪消夜寒

憶秦娥

美人足以下三首社集分賦

雙蓮小是伊行處成香草成香草一彎三寸量來還
少午簾小立苔聲悄綠堦點定相思稿相思稿若
教掌上著人情飽

美人髮

纔出幔玄雲拖縷舒來緩舒來緩手圍墜地入盤加
半香絲膩玉粧臺畔約鬟未就嗔郎喚嗔郎喚枕
函蘭澤怎教批判

美人腰

香羅幅柳絲一尺圍紅玉圍紅玉泥人入抱剛剛如
束欠伸無力牽郎宿欲扶不得嬌難掬嬌難掬迴
身笑睨怕他明燭

東昌道中有懷

天邊月相思準備和他說和他說清光分照料應關
切風知簾縫勾香泄西樓月轉鳴蛩咽鳴蛩咽月

兒不管悶懷空結

次梅木山夜坐韻

和愁織絡絲整夕無休息無休息睡鄉佳境怎生甜
黑 秋情如故人非昔燈光閃閃尖風勒尖風勒照
人憔悴這般顏色

清平樂

雪

雲僵風敗雪意粧來大梅影一窗搖淺墨陡地幻成
銀海 前村樵徑都迷詩人驢背纔歸忙喚童兒買
酒板橋西畔還西

次尤展成春閨韻

嗔花怨草怎得心情好幾日小姑倩著了故意誦郎
詩稿 愁來壓夢難醒背人偏要潛行却被東風一
嚇迴廊敲動風箏文津閣本有注風箏鐵馬也

新柳

十三嬌女約略腰如許盡日臨風搖弱柳無力向人
前舞 小橋正枕橫塘高樓都在斜陽寄語東風且
慢莫教輕換鵝黃

阮郎歸

踏春

宿花蝴蝶惹花飛
紗窗聞畫眉
女兒生小在香閨
開箱憐舞衣
添線倦卷簾
遲闌干讓柳垂
鄰家相約
踏春堤日長緩緩歸

三字令

思遠

衫袖怯晚來風到梧桐初月碧
斷霞紅鴈兒癡排甚
字礙長空
千種字一函封在書中
和鴈說爲奴通
但人歸奴不負謝伊功

眼兒媚

中秋

露洗芙蓉弄晚紅
和月到簾櫳
去年此夜今年此夜
一樣秋中
秦淮處處人如玉
簫管咽悲風
阿誰領
略曲闌雙凭小語初濃

柳梢青

小飲遂醉

獨把金卮煙輕露重處處堪詩
香正勾情衫纔泥腕
是倚樓時
愁人多少相思酒醒後
簾吹月絲鐘語
初回笛聲又起
幽夢難支

荷葉杯 第三體

多情

自是多情難得端的解后在燈前一曲相思字字堅
昨夢是雙鴛不住將人低誦珍重但願鎮相隨書
窗安鏡畫修眉從此不孤飛

西江月

醉醒

惆悵夢魂何處心煙一縷孤行伴人幽月到疎櫺照
破夢魂清冷醉也從教便醉醒來依舊還醒枕邊
詩句阿誰聽月送海棠花影

閱世說新語

我醉君須且去人愁我欲言愁槃間瞿谷舞無休不
許公榮二斗北海無樽可滿茅山有淚難收輸他
化蝶老莊周未醒之時識否

少年遊第三體

姑溪八月十八日寄懷里中同學諸子

去年此日桂花影裏好句坐秋陰今年此日桂花何
在欹枕一秋心捲簾還起何來明月窺夢到孤衾
半秋勻染已深深潮長鎮難禁文津閣本作滿山紅
葉迢遞隔江城

河傳第一體

江塋

莽雲莽水一幅橫披何人佳製離奇空幻百千萬里
都來雙目裏夕陽西下漁歌起煙如穗好向江頭
醉顏然雲水之內夢魂真足寄

河傳第二體

贈歌童

聽半箇儂魂斷吐玉揉香都來字字總成雙鴛鴦不
求凰曲終生遺寒窗暖春恨滿寫恨嫌箋短鑄將
金屋待卿藏端相溫柔是此鄉

雨中花第二體

采石磯懷古

千里泠泠冰雪送過幾多英傑送到如今英雄已盡
怒浪都空設醉向長江呼短楫恰好當頭明月顚
首浪排空熱酒澆來滴滴英雄血

探春令

本意

桃花樹上午鶯眠日影撩人倦把花枝移上闌干裏
被侍婢和簾捲石泉烹雪雲痕淺看春光成片幾
多時樓角橋頭楊柳樹樹都垂線

木蘭花

村居初夏

喚提壺催布穀新筍初抽香簌簌支午倦向迴廊靜
裏一聲風啄玉 戲投竿閒濯足一對鴛鴦無事浴
斜日莫起漁歌晚雲收盡天如沐

怨王孫

有憶

玉人何處落花殘霧水浸平橋煙迷遠樹無語獨凭
闌干淚斑斑 枕痕一晌留香軟秋夢淺近晚風如
剪搖搖影影瑟瑟幽思誰牽一聲蟬

賣花聲

一醉

書室紙為屏病癩常局閒人無事學翻經折得梅花
和雪嗅片片泠泠 鐘語坐來聽身世如萍向誰白
眼向誰青自造中山千日酒有醉無醒

本意

小鳥鬪啾啾香夢難留畫樓人起正梳頭買得一枝
紅顫顫曉露微流 一擔把春收兜的相勾倚簾不
語凝雙眸插向鬢邊還又住恰為花愁

臨江仙第一體

夏日

庭陰日午長無事被郎央及檇蒲枝枝打著教人輸

拋骰不語扯裙裾 郎憨又把人央及
這回不比當初 一盤贏得便懽娛
賭郎新織藕絲襦

河傳第九體

醉倒

茗苧難醒支離傾仄絕奇之影
舉杯問影爾何如樂乎酒腸今不枯
從來醉境無人說憑千劫真醉不磨滅
誰吾曹足酒豪明朝和天築酒巢

李雲田爲少君寶鏡買婢掃鏡

今日非昔向粧臺畔耐卿小立一雙豔玉總生香問郎柔情那處長
郎憨故把人來攬和人好不顧人兒惱對花枝不語時尋思愁深郎不知

河傳第十二體

秋旅

睡睡心碎燈花如慧特地驚人梧桐一墜可憐近夢無靈癡魂徹骨錫
愁中道路千千疊千千結死伴千千劫到拚他深夜了雨裂風揉盡情愁

鵲橋仙

送別

尊前雲起望中煙合是處離愁如織煙雲明日又相逢
怎便把人兒分劈輕簫屢咽好花頻落也爲今

朝珍惜縱然沉醉不知離酒醒後如何過得

虞美人

春晚

晴蜂暖蝶朝相語嘆息春歸去天涯青草鎮茫茫唯
有行人依舊老他鄉 長江記是來時路却被山遮
住殷勤為謝子規心不如鷓鴣知我却還深

閨怨

搓成梅子圓如豆是處清陰湊一雙蛺蝶過鄰家可
是綠陰深文津閣本作多處不留他 看來蜂蝶和
花好百遍隨花繞只教春去任花飛怎不蜂蜂蝶蝶
也同歸

南鄉子 第四體

冬夜

雪壓瓦楞寒閣著琵琶不忍彈今夜珮聲偏覺冷珊
珊辜負玲瓏玉一環 錦被半牀慳幾遍添香只是
單一朵燈花看妾笑難難冬夜籌添不易闌

夏午覓睡

消暑展桃笙五尺琉璃石上橫問到睡鄉纔入境心
驚度枕松風恰一聲 倦耳付深局莫便松風喚得
醒分付童兒聞剝啄休聽也向槐安國裏行

思歸

何處是天涯遊子忘歸認作家夢斷五更天欲曉烏鴉多少啼聲起樹丫
休說是天涯貧客羞歸且作
家行李半肩天正晚烏鴉又帶斜陽到樹丫

春去也

春怨

怪來春不和人聚知道將歸收拾花同去可憐全學薄情郎處處園林留不住
只有蝶兒相顧幾多落花猶護也應令著寂寥人時嘗一到簾前路

醉落魄

江上大風

一輪明月正照得雲山如雪千里長江流不竭扣榜而歌多少人興滅
飄零半世餘長缺醉來自把新詩說狂呼驚起蛟龍蟄掀倒青天誰是英雄者

小重山

宮詞

銅輦音稀夢未真笙歌他院落總君恩金釵畫月過黃昏憑誰伴羅袖見秋痕
眉淡不堪鬢流蘇還自下倚香茵隔花宮漏悄無聞簫局火香盡也難溫

踏莎行

簡楊赤文兄弟

書篋堆愁酒痕成淚風光只解供憔悴古之貧者是
何人錦囊佳句來驢背 是此生涯儘多况味蝨餘
鼠剩難教廢今之貧者是何人與君共擬詩瓢醉

秋意

團扇纔輕井梧初舍金風颯踏鴛鴦瓦繡簾未捲隔
流螢來回只在闌干下 露蕊柔零月絲滿瀉小鬟
多事將螢打扇兒悄悄動似能知飛飛直上牆頭者

竹塘寺寓同夏坦仙夜話

高笛橫空柔絃靜月流螢幾點都清絕坐來新露下
梧桐小涼時過羅衣褶 雲練孤飛河繩低掣百蟲
聲裏塵情歇十年消受是真閒夢魂較比當時貼

韞林爲余書小青詩仍屬余代題

夢影驚潮梨魂碎水傷心盡在新詞裏西湖一碧葬
瓊花杜鵑叫斷孤山尾 女子如斯才人已矣古今
多少如卿比莫將薄命爲才嗟豔思誰使文成綺

欽定四庫全書

十五家詞卷十五

休寧孫默編

陳世祥含影詞下

中調

鵲踏枝

病緒

愁病如愁誰見慰著甚來繇陡地思量梅花片片飛
春不繫燕兒爭取愁他墜 翠損紅零羞問婢只有
菱花是我真知己彊起無情還欲睡羅帷更被香燵
悴

愁

潦倒十年愁窟裏病酒逋詩意興都無幾愁緒世間
何物比青衫溼似邗江水 著地尋來誰可避好月
名花加倍添人淚最是天工無意味生生風雨將春
廢

上曲陽春日

依舊春來生綠草風雪無端偏阻行人道歸夢不成
頻又覺可憐只是歡娛少 也似江南山色好曾見
花開一樣蜂兒鬧閒著莫教樓上眺鄉心早比愁先

到

責草

抹雨拖煙愁色重千里長途為甚年年種慣把行人
來斷送樓頭一望青無縫 狼藉好花鋪作供南北
東西是處惟伊橫勾引香文津閣本作春閨春緒動
新泥污損鞋尖鳳

問柳

烟柳成絲無甚繫只是橋邊日日嘶征騎故把長條
垂到地分明做就離亭意 滿院飛花狼藉墜墜向
筵前撲面如人淚卷作毬兒吹又碎浮萍一夜遮池
水

冬閨

可憐殘臘無多許剩雪零冰還做淒涼雨燕盡水沉
無煖處好香不伴愁人住 燈焰青熒花不吐冷夢
依稀欲記無頭緒喚起文津閣本作得侍兒癡不語
夜分應是多過午

東諸公敬亭讌集文津閣本有注代作

記得瑤花棲絕巘轉磴迴谿多少流雲串俯看萬松
攢翠線南湖平展琉璃面 想到高人能繾綣搖筆
豪情玉學飛如箭新月曉霞天不倦千年韓李將無

見文津閣本有注韓退之亦寓客

春寒

未及春來愁已及春到梅花花朵還重襲
饑雀啄拋紅粒粒東君儘把幽香蟄
酒倦詩逋成悒悒擬泛輕舟怕見歸潮急
是處天涯愁盡入一窗風雨燈花

漁家傲

漁父

未織晚烟紛似絮
濤牙嚼雪扁舟度
網得魚兒菱葉覆
呼阿婦村中沽酒將錢去
半醉歸來船倚樹
大江多少風波路
阿婦向前叉手訴
君休誤風波除卻何方住

燭花

絳蠟為誰開並萼
銅龍已下重門鑰
多少相思無處著
休見謔紫明知道人消索
舊夢新愁眉上閣
今春較比年來惡
起剪燭花香炷
落儂不錯是花一樣
春飄泊文津閣本有注燈一名紫明供奉

醉春風

春嘆

悶雨和愁墜
生把花時廢
近來整日下簾櫳
睡睡睡

香冷銀囊繡閒鈕尺只供憔悴 醒夢難迴避淒涼
剛一味從今真正不思量 醉醉醉心系教枯淚痕成
積枉然空費

夕陰

最是鳴鳩橫硬與花成 認摧殘萬片葬新泥痛痛痛
屏曲香慵簾旌膩逼冷雲無縫 未把愁來送又把
愁來種無聊覓得卻愁方夢夢夢白墮三升黑甜一
枕討他

文津閣本作來閒空
天仙子 文津閣本有注第二體

立夏

酒惡更噴花氣裊起把落花和露掃黃鸝一箇上枝
頭來報道添煩惱今日五更春去了 倦眼舒將煙
渺渺是處溪山全綠 遶卻拈短棹問桃源非故道人
間杳繁陰如雨無啼鳥

千秋歲 用永叔第二體

廣陵臘月念八日文津閣本有注是日小盡

愁城無外就裏還無內多情伴我能無懈霜尖鑪火
弱風閃鎧光碎鴈過也聲聲淒苦真同派 道力愁
中耐仙骨愁中蛻星宿劫愁難壞夢孤身怯影圍滅
腰憎文津閣本作增帶笑明朝一年又去愁還在

隔簾聽

遲阿秀不即至為西樵司勳賦

看綻燭花雙蒂吐瓣人剛到羅幃笑揭聲還悄悄悄悄
問檀郎為儂懊惱漏盡了怎和衣枕頭歪靠忙相抱
檀郎輕笑試向卿卿道如年永夜銅壺杳聽來偏
錯故將人攪未天曉明朝細和伊表

剔銀燈

冬日敬亭讌集止宿

趁得晴郊文津閣本作光淡蕩好載向筍輿數兩一
線湖光四圍林影襯出晚霞如絳扶筇山頂便摘取
絳霞為釀吟就問天奇唱直喚醒古人無恙刻燭
詩成傾瓢酒竭我輩狂來差壯明朝重省更笑倒真
狂非誑

千秋歲 第二體

為吳爾世母節壽

笑捧霞觴代君陳祝萬歲冰桃今歲熟四海交游歌
壽母三春風物先華屋佇期頤褒節孝君家獨
三十七年貞志篤三十七年庭訓足兼父兼師心更曲
當初茹苦唯熊膽而今色養真仁粟湛夫人百世後
留芳躅

踏青游

清明日同西樵介夫至法海寺

烘日勻風春光著人輕
藉繡草路泥香成片
覓誰儂和笑走弓鞋
初倦更是處池塘
簇蒲拖柳閒殺畫船
歌板把酒樓頭憑欄
望中平衍嘆此日
春光都賤彩旗空
織索冷秋千荒院
總聽徹歸途小亭
妖曲依舊楚天雲遠

八六子

挑燈僧舍風雪畏人
淒然有塵中之感

坐僧寮何來風雪欺人
窗紙頻敲看壁上
橫刀自吼牀頭斗酒
孤傾可憐緼袍
是誰潦倒吾曹
半枕故鄉離夢十年
流水詩瓢不禁得
短鬢恰文津閣本無恰字
如秋葉奇雲滅影
好花減片拚向水國
幾家漁父烟林一箇
山樵興還饒多他
這卷離騷

長調

意難忘

送曹顧菴學士還武塘同用高字

客也無聊況棲遲歲
晚風物蕭蕭酒壇差
共慰墨陣頗能豪容
笑傲有吾曹壘塊正
須澆但輸他青衫溼
了還對檀槽文津閣本有注時覓歌姬不得夜闌

月小天高更霜華痕重逼向征袍談深嫌漏急曲緩
寄絃么無奈事可憐宵別恨總難拋怕看來曉江風
色似雪寒濤

滿江紅

賦紅白菊花

潤白柔紅都刪去人間顏色訝座上並肩聯袂誰家
雙璧裴令正從粗服好衛郎合向羊車覓判此生飲
興伴伊家千浮白香黯淡無痕迹影歷亂難收拾
看繁英爛蕊萬花如織葉索排當渾勉強花頭打搯
真蕭瑟問當年籬下舊風流誰能識

社集又賦紅白菊

是處栽花遍園林尋常蹈襲儘歲月留枝養葉補疎
刪密騷客徒誇英正落人間豈有花能實看如今兩
樹占秋芳成花國十日坐旃檀席五夜對瓊瑤瑤壁
更紅情不豔白光如拭浸玉寒泉明夜雪助粧金盞
酣朝日是臣髡飲酒最懽時甘千石

夢中飲名酒追憶

名酒招余見尊罍恭而竦立恰醅香到鼻肅然三揖
蘭氣故從幽谷吐露華豈落人間跡笑當年虎魄詫
蘭陵非佳客髯也隘慳一滴髯也妄誇一石共此

公相對莫言朝夕興發君能傾十斗醉來我願拚千日只李生一斗百篇詩真無敵

唐朕虞留飲卻贈

秋老籬門有高士蕭然獨處倚閒砌孤枝冷葉菊花

無語一畝盡拚衣尚敝三篇賦就饑難煮文津閣本

有注朕虞有典屋詩三首恰何來狂客破苔封攜

秋雨科頭坐誰賓主掀髯笑堪吾女正紫螯堆珀

綠醕斟乳筆底仙乎君獨步杯中老矣余千古記醉

來還有舊風流樂間舞

燭影搖紅

集飲西樵司勳寓園聽雲然女史度曲分得

八字

鴛瓦霜濃金釭一點么荷裏吳孃匿笑隱紅簾小露

帶兒摺簾外冰輪碾雪問誰領人間花月緜山仙子

謫向塵中還吹尺八繞徑疎梅凌寒早有幽香接

玉人試與並梅花一樣無分別休把涼州高揭惹多

少宮牆偷壓酒徒腸熱詞客魂消都難安貼

天香

韞林君為余書小青詩卷系以題句見慨賦

此答謝

散朗神情幽閒風氣于今閨閣誰匹豪寄魚肌健臨
狸骨釵脚想應斯跡瀾翻千字更首尾精神如一天
壤王郎爭信得墨雲生劈却念才人堪惜莽天公
有名無實三寸管真視萬年鷄肋自笑填詞空老難
寫盡青衫舊消息何意書生佳人能識

夏初臨

爲王司勳題水晶簾下看梳頭圖蕭靈曦畫

悄意難描幽情誰見久無人賦雙文梧影單衫閒中
驗取腰身蕭生作意經營寫濃香不著此二顰曾波橫
溜淺櫻忍笑活現伊人畫簾小暇粧閣清懽釵邊
翠滑鏡裏紅分欹牀凝睇心苗全染幽芬道不銷魂
相看處遞盡溫存問真真他年好憶月想花因

同人燕集北郊園亭得西字

柳盡籠風荷能翻水望中竟綠暄萋布席清陰冷香
都上人衣午階花影葳蕤共水紋簾子漪漪誰家畫
舫惹殘蛟蝶驚起鳧鷖良朋聚首高唱微言詩攜
謝朓談有張譏人生行樂後今昔如斯羽聲頻飛
卷迴波勸玉東西儘遲遲歸筇好踏烟路迷離

念奴嬌

江上憶

犁烟雙槩向江頭載滿春舟愁緒明月琉璃千萬頃
驚起棲鴉無序香字初溫燭花還剔此際人何處夢
魂相見怕他去路還文津閣本作望浮雲西北終誤
憶得晚閣輕寒簾前瞥見便欲留郎住一翦秋眸
羞欲滴扯著簾衣故故多事輕帆無情流水特地催
將去淒風惹恨孤舟不道相怨

八月念四夜采石舟中

長江正寫問江流此水何年淘淨露冷三更剛掛起
悄悄半輪明鏡桂子無聲秋情零落起把孤舷凭闌
干北斗夜潮最入清聽嘆息半載征鞭愁予渺渺
耐有江山勝擊節高歌杯酒裏短劍彈來霜勁千水
千山一人一月此意堪誰贈青蓮何在扣榜呼之如
應

三月三十日

春光如夢還如雨併作將歸消息一片飛花千縷恨
罽斷遊絲千尺蝶味都闌鳥聲無賴狼藉難收拾頻
看日影今朝生怕昏黑拚待守住今宵爲春奏請
願討留春勅爭奈花枝都瘦了樹樹綠衣新織脂合
香銷膽瓶色褪也去無蹤跡不如野草青青沒些知

題山語雨花臺看雲小幅

山中住久有栗留枝上時時來伴潔日疎風天氣好
坐向綠陰嬌喚午後微涼一簾幽夢清迥無拘管起
來閒步泉花恰注茶椀 雨花臺上看雲丹黃青碧
萬里奇光滿非色非空無定相未可作雲霞觀我把
虛空攝歸丸墨貯向山公腕冥然靜坐長天明月如
盃

送孫無言歸黃山次曹學士王司勳韻

黃山家者見多少虛名唯君稱絕閱盡人間風景惡
苦憶山中喚鐵詩癖能耽詞情獨賞嘯匹因霄舌焙
山煑海安貧肯與同轍 已辦剝芋爲衫編柳成笠
衣履全然別道是煙花隋苑冷螢火何曾真熱富自
當求吾從吾好誰巧誰云拙朱砂峯頂接天萬仞紅
雲文津閣本有注喚鐵郭休隱太白山事因霄國名
其人善嘯

小春紅橋園子讌集同限一屋韻時有魚較
書在座

尋常歌舞侈華筵是處爭誇金谷我向人間徵盛事
除是咳珠唾玉才子詞壇佳人酒坐香煖花光覆一
觴一詠不須絃管絲竹 幾折鴈齒斜橋畫簾輕幟

游冶驚人目併入酒腸成好句十指酒香拂拂彩筆
紛飛寒濤卷起怒欲來崩屋笑余寸管中書君老而
秃

次曹顧菴學士韻述懷奉答

菰蒲埋首難重訴長語音如哀筑窮鳥枯魚自懶慢
相成人誰題目蜀道行難燕歌氣盡書又無兒讀酒
中狂笑屠門大嚼無肉莫問歌吹揚州自竹西人
散况籬邊菊何事中郎還未絕取筵會稽東屋老大
頭顱半生儘消受無能粥粥餘酣陽熱醉中亂品橫
竹文津閣本有注趙元叔作窮鳥賦下士蔚作枯魚
賦

次顧菴韻送朱近修還海昌吳西崖往山陰
兼懷宋旣庭先還吳門

蒼淒林莽度征鴻正是高空秋肅瑟瑟水天蘆荻岸
愁殺布帆雙逐越海雲沉吳江楓冷何處扁舟宿青
山入眼浮螺不似新沐廿載鹿獨江臯黃塵濁酒
霜雪紛山麓此日追陪羣彥後覺穢在前珠玉芒屨
難歸貂裘盡做夢裏梅花屋頻搔短鬢嬖娒不堪簪
菊

次學士即席韻兼呈宋荔裳觀察王西樵司

勳

詞壇宿將覺秦歐辛陸今無難續壁壘當場爭上駟
我拜祝聃三覆劍戟無聲殺人如草手得中原鹿回
看餘子與其書不能讀笑我手拙髯枯牢愁難寫
倚馬慚枚叔描畫蓬蒿只辦得潦倒山癯半幅食力
居貧隱安遺躅空有江湖屋先生不棄許余同餐秋
菊

次其年韻戲東西樵司勳

鈿車初下見珮聲纔杳香塵猶綠翡翠簾深穩護住
十二屏風曲曲金縷裙襦水仙薰透春暖香盈斛爭
籌打馬紅窗聽賽盧犢誰信霜冷籬門蕉黃空似
紙有愁難錄認是桃源迷去路冷隔千溪寒玉想像
雲然非煙能擬秀奪三秋菊重來覓晤臣當三薰三
沐文津閣本有注周姬名秀字雲然

送家季其年歸陽羨用顧菴東西樵其年長
調先成韻

年來懷抱拚剪愁作片織愁成幅如許乾坤供好事
難著半間茅屋酒暖歌深只供憔悴況此顛毛禿翻
翻徑起槃間自舞瞿谷幾日剪燭寒窗恰別離又
迫離情盈掬醉裏烏烏歌老驥聲咽唾壺如木湖海

飄零胡琴空碎此意非君獨片帆漸遠斷江一片黃

讀孫介夫文鈔賦贈

文壇飛將向人間橫視誰堪牙纛江左孫郎陡頓使
一霎曹劉手縮壁壘霜嚴旌旗電炯文津閣本作曜
歐柳還臣僕同人僉曰斯言受者無惡 年來好手
能多驅無言煙黛恣搖毫牘倚市逢年何處辨此道
明珠魚目掌握靈蛇凶藏繡虎兩者君俱足先生大
笑療貧都未堪鬻

懷宗海文津閣本作梅岑表弟兼東鶴問

淒然回首舊揚州曾見幾家華屋二十餘年剛付與
一片寒笳代馱屏跡隋墟轉蓬梁苑空負琳瑯玉坐
而須老此生過在誰孰 嗟余久矣飄零牢愁成句
不可人間讀媿殺前賢稱宅相駑馬秀騏齊于泥水
相逢須眉非昔還向窮途哭君來就我澆寒且索醞
醞文津閣本有注庾闡詩朔障裂寒笳冰原嘶代馱
鶴問新自中州歸易林失其利祿過在誰孰顏延之
赭白馬賦秀騏齊于

訊孫豹人移居

彈琴讀易便北山土窟高眠真足身外無多要置頓

床上之書連屋十頃箕箒控廉頤志好擬逃于竹蓬
蒿滿宅未荒還有松菊 最是此事難期天公之判
斷吾曹方酷何物書生而妄冀如此容容多福二頃
田無三間屋老羊也藩空觸一頭牛在露車故堪常
宿

同范汝受旅病戲遣

蕭寥僧舍算兩人佳趣窮愁千斛立躓行僵無是處
鬼曰其窮未足二豎擲揄膏肓可據共煽窮愁獨看
教厄瘠欹床而捫枯腹 也只幾首新詞描愁寫怨
便折平生福誰者中黃真起痼一七不勞參扶雞距
能花魚腸自吼起舞何須蹴咄來而鬼乃以余爲形
楷文津閣本有注白香山有雞距筆賦

期紅兒不至又柬司勳

魚箋難寄竟看朱成碧視丹如綠皎皎文津閣本作
灼灼明霞全化做一片冷雲成簇楓葉無姿蕉花不
吐黯淡闌干曲杜孃此日羅虬應判千幅 說甚記
曲簾前相思蠻豆揆著如枯木況是楚雲消息杳光
彩空勞翠燭無葉能傳有絲莫繫謊殺氤氳讀卜歡
骰子滿盆隻隻二六文津閣本有注郭遐卿贈嵇叔
夜詩心之憂矣視丹如綠時雲然未回

次季希韓留飲韻兼送其暫歸

悲歌當泣向酒徒市上共君擊筑酒椀淋漓成墨瀋
幻出龍蛇千幅如此才峯逼人塵塵未是淮南獨嗟
余老矣藉君同逐秦鹿 正此酒境詞情好望衡對
宇啜僧寮粥無那布帆風又飽曉向寒霜僕僕勾當
來時錦囊應滿先索新詞讀傷心最是唱陽關不成
曲

解語花

花燭詞

柳知偷眼梅待吹唇熨袖風痕皺碧紗窗裏薰雲錦
恰恰早春時候十二紅燈剛捧出步搖香溜爭誇道
天上神仙來作人間偶 暢好月明如晝索存存款
款著意消受銅龍初漏卿當倦紅燭影沉知否文鴛
並宿得多少玉偎花逗祝二喬攜手蘭堂紫毳雛雙
授

木蘭花慢 第三體文津閣本作二

泛舟夜歸

漾澄湖淨綠吹乍皺熨難平算如許春光花朝花夕
花雨花晴年年不教孤負幾閒人於此費經營逞盡
鶯花伎倆獎成風月聲名 木蘭牒子小于嬰隨處

有居停但由谿壑暫泊招雲可落呼鳥能應紅塵半生
勞攘回首來醒夢總難憑便好乘風飛去瑤天星斗
晶晶

霓裳中序第一

爲歌姬楚雲作

嫦娥怯情影暫別蓬山下塵境來作春風管領儘玉
豔香柔柳慵花暝當筵自逞問阿誰兒女能並除非
是飛瓊瑤闕唱步虛幽冷夜永落花無定更纖月
流雲都疑畫堂雙燭相映有萬顆真珠飛光圓瑩怎
嬌花情性蚤占了歌場曲聖書生句雪兒知否笑未
堪留贈

瑤花

看繡球作次司勳韻

瓊花歇後簇玉圍珠未敢誇無價八仙小派儘放春
過去守他新夏銷紅成翠直今日花神纔暇把碎瑤
細劃玲瓏點染月明涼夜曾傳玉蕊當年碧簫散
冰絲鬢粟芬射仙姬也向人間戲角扇雲冠低亞玉
峯赴約嘆自此蕃釐難借待醉深夢到仙家立馬藏
花洞下文津閣本有注唐嚴休復玉蕊花詩有笑對
藏花洞裏人之句

二郎神

爲李雲田題周少君寶燈坐月浣花圖

何來周昉偷出深閨一罅除繡帖鍼牀兒女事都闕
起莫侵筆架月冷花慵春漏永冷落煞一枝低亞雛
婢狡香泉夜灌特地閨中消暇兜搭月尖露重寒
侵羅襪便把酒醉花花不語應嘆息有人佻達蕩子
不歸還獨守是誰道春宵無價畫圖上人間多少傷
心作風流話

解連環

次顧同東懷舊原韻

此身無託笑乾坤窄小可人難作二十年奔走天涯
見山苦水淒酒窮詩惡往事都非休提起綠窗絃索
恰夢回霜曉陡地傷心舊日樓閣茅山已無妙藥
縱魂縈海渚身繫天角枉積下恨跡情蹤待疊起相
思又難拋卻百轉迴腸鎮日夜全無安泊總我伊文
魔情孽應同淪落

一萼紅

四月十日西樵司勳約過袁園看牡丹作文

津閣本作花

客懷多儘酒澆不盡無計與騰那草欲迷天花全卸

地人閒花草蹉跎已發付春光九十渾忘去聲卻百
日等閒過燕語分明怨春殘了沒法樓羅踏向惜
惜園子問花王消息百五如何榴瓣能殷瓜瓢故淺
午酣香影婆娑遍坐裏酒香花氣寒錦幄花也顏酡
空惹天香歸去冷熨衾窩文津閣本有注白牡丹寒
食時開名百五榴瓣瓜瓢俱園中牡丹名

內家嬌

幽情

相逢攜手覩今何夕仔細問卿卿是綵繒能具畫中
形現蘅蕪在握夢裏逢迎重攜手移燈端翠鈿促膝
鞦韆香纓一尺柳絲瘦來有幾兩痕山影淡了還曾
別時渾似醉愁中意今宵此際纔醒當日心煙對裊
目語雙成謝天公判斷幽懽許結花神擁護癡想教
靈多少相思證據說與星星

憶見

香風吹欲去都應是憨態玉難支記嬌要倚人兩鬢
低處笑佯看影半步回時魂銷盡痕脂蘭襲襲束手
柳絲絲歌到有情帚鬆多少舞餘無力鞦韆些兒
幾回新聲度嬌眸轉依約如有微詞愁煞司空常見
輕籟芳姿誰攜來繡幙鑪烟護者貯將金屋詩卷酬

之只怕書生分薄端又參差

席上

歡場多少憶難忘得舞豔與歌香記雲影細沉脂檀
微辨風絲輕貼絳白相將曾賒取酒城天不曉詞陣
字俱雙末利露胎涼過晚髻夫容霞纈水剪秋睂
而今拋棄也廿年裏儘教著意郎當那更個人無賴
逗起愁腸正金釵已溜花無管束錦襪欲褪月有平
章又是彌天恨緒大費商量

沁園春

客中將發

行路徒嗟歸與難賦此去向之憶窗櫺側畔梅花已
雪闌干左右楊柳堪絲數幅煙霞滿牀書卷魂夢安
排在幾時還自笑總閒拋好月空負新詩如今喚
醒相思切莫要燈前唱舊詞儘冷雪一肩寶刀尺尺
煖雲千里美酒卮卮竹杖攜將芒鞋踏遍山水風流
十萬貨春遊飽再茅檐故國坐老于斯

浣手繡觀音

帶露拈花迎涼支鏡日影纔升看爭奇梳插萬千緡
直斬新裁剪四五銖輕一朵楊枝半天鸚鵡舊向慈
悲記許曾紗窗下理青絲三尺水月泓澄金針拈

處盈盈頻盥手金盆纖指擎願石麟佛許宜男入夢
並頭蓮證再世同盟淨室皈依名香供養三月持齋
特記清郎癡絕偏俚人憨謔昨夜虔誠文津閣本有
注俗持觀音齋者以正五九月

同女伴互道小名

繡帖鍼慵篆篝煙膩春困瞢騰恰踏青姊妹歸來鬪
茗學書隣女央與調笙並影生憐偷閒覓會總把風
流各自矜嬉遊罷更量鞋比髻一樣心情相攜坐
近紅櫺把乳字和伊叫一聲笑夢中忙應會聞郎喚
簾前低說生怕人聽阿姊頻催小姑偏澁吐向唇邊
已面頰重相問莫他時懽會叫出還生

裁白紵作春衫

較量寒消排當花了恰值清閒已攜將小妹繡翻異
本教他雛婢香揀文津閣本作練深斑重幙須褰脫
綿正可莫任春光漸漸闌紅氈列早龍珠麟首金粟
同安哀牢細織蘭干慢剪破秋江浪幾灣任退紅
水碧都嫌色膩輕容方目且放紗單一抹雙心兩當
八撮曾入詩人體貼間裁縫就正佳人麗服風日躋
攀文津閣本有注潘炕姬解愁有雙龍奪珠之翦姚
月華鬪斗名麟首金粟尺名後漢書哀牢夷蘭干細

注云蘭干紵也輕容方目俱紗名一抹二句出王筠
裁衣曲

美人背

乍試春衫問人宜稱側轉腰身怕油侵燕尾承雲樣
巧釵盤鷗翅半臂紅湮羞際難回嗔時別坐輕拍頻
摩要倍溫窺私浴見膚光占燭面覷無因 內人破
睡傷春向周昉圖中寫欠伸記被池寒入妹衾牢擁
枕稜香逼郎手時循下砌尋花入簾避客去處風流
一樣勻橫陳夜羨築脂刻玉方後尤珍文津閣本有
注承雲衣領名占燭合德事周昉有背面內人欠伸
圖規前方後祕辛語

美人胸

袿領低分襦襟鬆解薺澤微微有阿婆憐重麝檀幼
啗郎君情泥輔體交靡文釵都弛紅紗不隔貼向人
懷選夢宜相思結問貯來多少中款無疑 仙娥寶
袜尤奇試束與歡身疾頓離况酥融脂凝寒堪暖手
花嬉玉樂席號香肌菽乳微捫蕙心同捧玉燕曾教
夢裏攜蓮花帶偶赤珠夜繫爭訝朝暉文津閣本有
注款中散姚月華事實祿謝長裾事蓮花帶吳絳仙

題其年烏絲集

此日相逢文選樓頭瑤花榭邊有累朝麗句舊傳鄴
架一枝仙蕊獨種藍田詩正而葩玉温而栗幻作髯
之絕妙篇入還羨讀元龍湖海百尺高寒風流絕
處能傳看寫向烏絲字字妍見紅牙度者又名玉樹
綠腰譜了不讓金荃多少才人百千聲調屈指能爭
幾箇先雲郎道是兒家捧硯染作雲煙

送沈方鄴歸宣城兼示蔣大鴻

句宛溪聲敬亭山色近復佳麼記秋深楓榭芒屨遍
踏春先梅柳藤杖頻過懷謝空存玉笙重到此日人
間感慨多還堪笑是君來邗上一樣蹉跎繁華久
已消磨只些小紅橋寄詠歌賴羣公高唱特開風景
妖姬小曲為點煙波語笑方酣離情又起短鬢看來
黑幾何君行矣向蔣生傳語蚤整歸舸文津閣本有
注謝懷閣沈公紱讀書處王氏玉笙園在其側余甲
申寓也乙巳丙午又寓此

春風袅娜

壽西樵司勳同果菴梅岑方石瑤田賦

世間閱日月甚處能長甚半局海生霜醉山公偏記
釀王事業小槽紅滴就臥何妨推枕聞炊結茅量笏

屏當精廬花正忙仙格中人故超詣風塵外物自清
章 卻憶揚州煙景客懷無那安排向春海茫茫歌
串細領巾香宜餐秀色合付王昌看欲笑時閒情體
貼正無人處密意商量蓬壺非遠便雙成瑤闕酒粘
花壓應也相當

白苧

贈階前老少年

小屏中覺布被微涼浙浙紙窗未啓早見晴光窺隙
卻原來西風一夜吹空碧花草悅新秋總淨葉柔枝
懽適切切吟蟲吟□清而不激有感慨之人無語當
階立 深惜盈階秋意染絳勻黃供人鑒賞博箇少
年相識誰知道已把壯時虛擲如今老大纔和秋海
棠一般裝飾只有霜深那時楓葉知他蹤跡多少閒
愁除酒難消得

蘭陵王

憶舊

晚潮急堆起淒涼萬尺人何處曾憶往年謾把歡娛
付輕擲如今空恨積無計迴腸熨直單消受零怨碎
愁只似蛛絲費空織 休提舊消息已衾涼蘭吹徑
迷蓮跡輕風涼月秋衫碧記柔調歌板細拈牌葉斷

魂都盡總值得也拚到今日 悲憶頓成昔怎消意
如鷓芳蹤難覓連天野草天無極料不許絲絲斷後還
重緝除非來夢夢兒裏問他真實

大舖

寄友

檢點征衫秋風裏老了幾多行客江頭鴻鴈起聽一
聲哀怨蓼花都白香冷衾絲夢縈衫帶粘得柔腸窄
窄愁魂無可寄覓醉鄉深處暫尋家宅奈消恨無方
刪情不盡最難安拍 前時明月色單一味慘淡和
蕭瑟偏又向枕函偷覷屋角輕移等閒間傷人心魄
別緒嗟匆迫歡娛事杳然如隔料伊處情難劈更闌
月轉陡地風驚簾額夜情怎生捉擲

多麗

冬日敬亭燕集止宿

試放眼此地名山多少儘古今酒徒詞客奇懷著意
搜討倚高樓無言靜對伴孤雲看盡飛鳥落照金波
初曦翠露一彈指頃人間昏曉起高歌四山響徹葉
下寒林悄休回首青蓮陳跡余懷淒渺 嘆醉裏江
山還大醒來天地都小便乞向青山埋骨不足以娛
吾身老且與諸公同傾酒醖樂遊毋負風光好下山

路冷雲斜日十里田間遶偶然事使後來人羨此鴻

爪

稍遍用東坡春情體 作喻非

次董文友韻送孫無言歸黃山

洞裏百花洞外錦霞採藥真生計便千年高臥翠微
中再相傳桃源天地石方床濛濛睡足松泉互引不
曉紅塵世任道迷黃農教通棲導真人大笑不已却
俗緣未了復驅饑况嫁娶都完更爲誰編草爲裳披
髮自覆先生倦矣 自初向塵中著脚曾與青松誓
困芒鞋也懷猿憶鶴豈無淚千里外家山煙雲飄渺
容成去後無碑記六六奇峯洞天三八年來直西南
視已擔頭卷軸足堪清憩笑竹裏高人總好名乞然
箕踞何庸避從今脩脩徑往酌水餐松子遙聽半嶺
啣然振響異哉嘯兮處士霎時黃海湧波濤但漫天
雲蒸霞起 文津閣本有注百花錦霞黃山二洞名述
黃農之道棲神導氣編草披髮乞然箕踞俱孫登事

十五家詞卷十五

欽定四庫全書

十五家詞卷十六

休寧孫默編

黃永溪南詞上

序文從文津閣本補

予少習爲詞每以歐晏秦黃爲正風最後讀南宋諸家詞乃知能擺落故態而意氣跌宕者惟陸務觀爲善能自道其與馳騁上下者庶幾子瞻幼安其人乎而務觀自序乃云少有所爲晚而悔之然猶未能止者何也豈非樂府歌謠之變固非此不足以抒永年發逸思耶吾友艾菴黃子于文筆無所不工少爲詩餘頗有工妙之致年來縱筆爲詞嶽崎歷落洋洋纒纒有不知其然而然者余以爲非渭南老人不能如此超逸獨至也嗟乎詞雖小道本乎性情中乎音節固有係乎時與遇者焉方黃子少時故有閨房之好自相唱和所著小詩流傳里巷間無不述爲佳事旣而偕其季弟初子與余輩數人常爲文酒之會單詞小令悉被管絃筆墨所至皆有低迴宛轉之思斯時也亦可謂極人間之快意矣未幾而登上第佐西曹此樂旣不可得而又以清賦之累與余等共遭放廢

艾菴遂寄跡戴溪之南小妻稚子優游卒歲機杼之聲與絃誦時相間也暇則從野夫牧子較量晴雨間為小詞衝胸而出矢口而成一再行吟浩浩乎如出金石自以為鈞天廣樂不過如是此豈務觀所云漁歌菱唱不能自止者與昔唐季花間諸集流宕可喜而務觀則謂士大夫無聊所寄世有能知艾菴者誦其詞而想見其意勿以為僅出于無聊焉斯可矣

小令

調笑令

涼夜

明月明月偏向紗窗偷入有人遙避清光小怯羅衣夜涼涼夜涼夜報道海棠初謝無寐無寐影與月兒相對闌干十二重重長立西窗曉鐘鐘曉鐘鐘曉露溼鳳頭香小

如夢令

春朝旅店風雪

既是雪花飄泊又是孟婆作惡左酒右持螯仔細與春酬酢行樂行樂以此勸春春諾把酒央春寄語風伯雨師權怒籬戶矮於人饑雀寒鴉相覩何處何處春又翻然日去

醉公子

燈花

喜向燈花問知道明朝怎果有一函來從頭讀幾迴
半是模糊話忽把燈花罵呼鴈過雲邊回他沒字
箋

毛申人新婚未幾即赴文友通宵之宴戲速
其行

好酒無多飲歸去尤宜醒珍重勸即行官街風露清
銀缸人獨倚月色居然起侍婢正商量即來莫恁
狂

反董文友詞

姐姐和儂戲索解書中意書是合歡書公然不避予
小篆殊痕沁誤讀鴛鴦印姐面一時紅原來合避
儂原詞云儂心何事惱姐姐欺儂小偷看合歡書憎
儂問起居○詞字下從文津閣本補

昭君怨

螢

剛是沿溪飄泊忽又隨風前却暗地恁相誇可憐他
那個輕紈兜住何處碧紗籠去到處只惺惺却輸
卿

蝴蝶

是蝶是周難據疑夢疑醒何處花底忒輕狂一雙雙
偷得香來韓掾傅却粉來何晏那個是前身兩平
分

點絳脣

小閣

夏日方長科頭羽扇頻來往小亭幽敞茶沸松風響
隔岸垂楊對坐黃鸝講還堪賞簾鈎初上欸乃漁
翁漿

浣溪紗

初見

曾向蓬山頂上行瑤姬十五笑相迎湘裙剪剪襪盈
盈今世芳名知弄玉前身小字是雙成怪郎驀地
喚卿卿

贈妓蕊珍

昨夜蓬萊駕紫煙天風吹下蕊珠仙十分珍重破瓜
年對客離披渾似醉爲郎顛倒不成眠秋波斜溜
恨無邊

幼女曜貞生日

初着紅衫襯薄綃爺前萬福出簾腰道兒生日是今

朝杜老瘦妻誰耐學左家小女恁般嬌看爺白髮
早飄蕭

卜算子

有感四首

匿影住人間橫眼看天下都道乾坤一腐儒自問何
爲者得酒且高歌無酒干休罷若有留髡送客人
一石臣能也

壯已不如人老矣何須問縱有因人成事時錄錄悲
公等新態看來多舊事提他怎那個邯鄲道上行
僕僕何時醒

種李易成蹊種豆將盈頃婦不彈絲妾不歌有酒如
何飲山色碧於藍湖水明如鏡皓月清風是等閒
權與儂相領

流水遶孤村問是誰家住不信孤山處士來別有梅
花墅客到我應懽我醉君須怒多少園亭沒主人
道不如歸去

湯陰謁岳武穆廟

身在尚無家身死家何地縱使游魂遍九州不向湯
陰住有恨化爲雲無淚飛成雨若變啼鶻何處歸
趙氏孤兒處

醜奴兒令

溪邊小閣聽雨

溪邊三尺翻盆雨閣下難聲閣上風聲那管愁人徹
夜聽 想來溪水添多少昨阻舟行今送人行安穩

漁翁掛綠罾

菩薩蠻

觀稼

數間茅屋臨溪路無人小艇從人渡一望野橋煙陶
家種秫田 午前風日暖幾路腰簾緩短帽窄衫人
招呼三兩聲

自梁莊策蹇至海陵

瘦驢打過溪橋去麥芽初長青無緒四野溼雲濃天
如中酒翁 石尤風太急濶淺波文織山色過江稀
前途怕雪飛

讀漱玉詞

易安居士偏瀟灑片言落紙真無價應是謫僊人青
蓮認後身 可憐還再嫁未了塵緣債衣上舊茶痕
看來莫斷魂

小女

左家織素年還未採花自插如丸髻採罷怕娘嗔拈

花却避人 小窗陪繡婢有事心頭記要拌雪獨餐
溪邊弄釣竿

添字昭君怨

悼亡 用唐解元五更風雨葬西施句爲聘姬姍姍

花信欲開還住春信欲歸難駐五更風雨忽來時葬
西施 何日花前懽會空想花容憔悴花亡可有哭
花人問花神

春朝大霧

今日是春來日何故煙霏霧結想防春色到兒家去
迷他 或者是春來日故使霧迎煙接知春還有幾
多程問他聲

減字木蘭花

畫欄

微雲如畫畫欄小影低相亞樹氣花香半是梧桐半
海棠 瓊宮露冷天上玉妃眠未醒愁絕王孫立盡
三更月又渾

憶舊

風風雨雨二十四橋儂望處玉佩丁東翡翠屏間醉
小紅 揚州歌吹別院笙簫花底媚人在黃昏金鴨

香消半掩門

尋花

夢魂瀟灑化為蝴蝶尋花也花更無端怪殺花名有

合歡 急圖夢醒牆外風來花弄影喚取雙鬟且向

花邊打蝶還 戊子病中作

送文友省親襄陽

輕舟弱水七十二峯將至矣若到襄川一度寒暄孟

浩然 霜華如片昨夜高堂應夢見此後斑衣應傍

山公白接羅 用貽文津閣本作盱殘雪

多才春雪點染山川真妙絕剩粉零丹猶襯長途月

色寒 陡然日出雪應能剩三之一日上山時日又

居然好畫師

趙真還先生別號半僧索贈

名于何自云俗云僧俱未是甚事名曾仍舊還他號

半僧 依然一我喚馬呼牛無不可若說先生還算

無名是的名

生日

當年四十走馬長安衝雨雪又五年來寥落柴門酒

一杯 從今以後樵斧漁罾都製就三兩村翁快活

青山綠水中

清平樂

磁州曉起見床頭積雪

霏霏春雪夜半床頭積天女怪君春夢熱碾碎玉花
輕擲曉來對影盤桓無聊猶倚闌干誰是聯吟謝
女居然高臥袁安

更漏子

春去

怕春來愁春去分付黃鸝留住留住不住忽還行黃鸝
三兩聲絮初飛花又落人在畫樓香閣空自惜有
誰憐春風年復年

畫堂春

新月和韻

夕陽隱隱柳梢頭隔林紅暈西洲回看天外子陵鉤
釣起新愁何處長辜羅幙有人獨倚高樓新愁又
怕舊愁留一筆輕勾

武陵春

乍雨乍晴

爲怕日光爭欲雨雨過日偏明半欄斜照忽雷聲晴
雨總無憑却似蕭郎多薄倖歸去又還行薄倖從

天教得成天也忒無情

山花子

夏詞

獨上簾鉤看月明閒停小扇白羅輕習習香風吹不
斷翠荷擎 避暖長拋金鴨火卸粧驚溜玉釵聲早
是侍兒能解解意展桃笙

柳梢青

郭石公示古瓢居葉韻新詩集句

會記瓢僊飛觴相屬潑墨聯篇豈是袁妖偶然賀鬼
忽爾摩禪 而今佳話頻傳淋漓向烏絲畫牋選韻
撩人吟詩過日集句銷閒

西江月

磁州道中望雪

浮白隨天上下晴光與日戈矛鋪開白玉襯神州放
出驂騑馳驟 鷺影飛來若失鶴羣歸去疑留江山
一寸望中浮潦倒恕先時候

醉花陰

薄寒

西風側側輕寒度細雨連晨暮試去倚闌看花底垂
垂留作黃昏露 自攜一卷當窗坐燕掠花梢過屢

響是何人小婢擎來半臂須添箇

賣花聲

薄醉

昨夜月如鈎經過樓頭畫屏小
飲篆煙浮薄醉日高慵未醒
清露晨流無力壓香裊
眈眈微秋檀郎無計暗綢繆
窗外玉奴催未得半晌遲留

銅雀臺

拊掌說曹公天下英雄秦皇漢武
略相同豪舉今朝堪想見
銅雀春風金碧嵌瑤宮
鎖翠圍紅虬髯如戟字
當中只有二喬空佇望
虎視江東

長店訪劉峻度寓中適遇方孝標兄弟以清

風鎮宋娟詩見示

佳句不堪聽墨跡猶新章臺今屬叱將軍
相對厭厭空歎息幾箇書生五嶽忽峻增
此恨難平座中摩勒問何人願署風流
新院主牛耳鴛盟自序曰娟本良家子
流落平康曾與嘉善曹子顧結盟西湖出
方孝標所書扇以贈王師南征娟被掠過
清風店從將士閱省錄知子顧孝標俱登
賢書將入京應禮部試故留詩以待

鷓鴣天

閨詠

晚掠雲鬟上翠樓腰肢嬌小不勝秋明知無夢挑燈
立暗欲窺人趁月遊新解恨舊無愁忽驚語笑却
回頭原來姊妹偏相惹說起兒郎滿面羞

河傳

報國寺松

如組如舞卑枝伏蠖高枝蹲虎夕陽楚楚畫出影兒
相賭筆力空今古公孫劍舞張顛墨堪相匹千載
成三絕煙如縈雲如迎一更鐘定野鷗鳴

虞美人

訪妓

飛瓊小字誰拈破何事人間墮鸚哥喚出倍堪憐又
怕東風且下水晶簾青螺未縮濃雲裊香入菱花
小知伊新恨在眉頭只是對人強說不曾愁伊字下
從文津閣本補

今宵

今宵好景誰同坐月與卿和我我愁卿病只高眠丟
下一庭明月煞堪憐迴廊寂寂無人處月也丟人
去待以上從文津閣本補他人共月圓時好與花前
長醉合歡卮

鵲橋仙

七夕

雲幃已掛月，璫初飾，想是相逢時節。一年三百日，相思怕會面，依然羞澁。今宵迎晤，明朝送別，烏鵲橋邊獨立。不如索性學，姮娥拚夜夜，廣寒孤寂。

瑞鷓鴣

舉第三子亮可

病中心緒懶如絲，偶讀陶公數首詩。既見其生實欲，可此情却笑兩同之。廣將園圃誠多事，欲付琴書念亦癡。但願早知梨與栗，得如元亮五男兒。

南鄉子

官軍護獻玄兔

汝兔產何方，名壓文麟，駕彩鳳，萬里君門先得。到禎祥遙望，紅雲捧玉皇。富貴埒侯王，寶馬雕籠染御香。一語煩君傳帝里，傍徨作賦，相如尚路旁。

九日卽事

秋日麗平臯，萬里青煙九點飄。獨倚元龍樓，百尺纖毫。一雁翻空試羽毛。有客敢題糕，漫許詩中一世豪。興比龍山應較好，酩酊細看茱萸，弄晚嬌。

揮手約吾徒，爛醉東籬興有無。酒盡故人還送否，提

壺紅葉村中那處沾 高閣眺平蕪滿目風煙一畫
圖何處健兒身手滑招呼匹馬山頭控僕姑

醉落魄

本意

忽然相遇細君斗酒旋呼取攜來痛飲花深處我醉
須眠卿且歸家去 嗟嗟無計支身住一天風露星
光墜小鬟驚報忙來覩紅袖雙扶捧入鴛鴦被

梅花引

本意

春風吹春事纔破臘梅花次第開暗香催暗香催雪
滿舊山何如此地栽 銀箏誰弄梅花曲金樽誰倒
梅花谷莫停杯莫停杯家在醉鄉相期歸去來

惜分釵

輿夢初醒雪月交明

輿夢冷人初醒駢駢月裏征人影月來時夢回時一
似徂東一似徂西棲棲 雪彌望霜相傍月應又在
霜之上雪融時月歸時如是相攜如是相離疑疑

中調

蝶戀花

良夜

庭院西風良夜靜小小春光拖逗紅梅醒滿地霜華
飄不定空天踏遍飛鴻影 往日相思閒記省梵梵
疑卍字之誤字雕欄有箇人兒並笑拍香肩呼不應
薄綿不耐黃昏冷

曉發

瑟瑟西風簾外捲綠水紅村小棹隨流轉葉老欲飛
霜乍染疎星倒向波心糝 客枕惺忪寒意慘秋夜
偏長秋夢應偏短何處玉鷄聲近遠一丸紅吐扶桑
暖

雨阻句曲時將有鉅鹿之行

門外馬嘶天欲曙細雨東來早又留人住鐵馬丁東
簷際語風飄殘夢香如縷 夢自南行人北去南北
分馳却怪還相聚勸夢歸歟愁未許秋江轉眼銷魂
處

臨江仙

閨思

疑雨依稀還未雨空階一抹蒼苔孤煙片片欲飛來
似隨風影去復趁曉雲回 怪殺鷓鴣啼不住珠簾
倦捲慵開薄情何處暗相猜今年楊柳月舊日菊花
杯隨風下從文津閣本補

一剪梅

輕舟

布帆斜掛木蘭舟
身坐輕舟心悟虛
舟槐陰風過忽
驚秋天似初秋人
比殘秋傷心何處
最高樓十二
紅樓十四青樓年
年行李寄他州
薄倖揚州飄泊蘇
州

雪阻義并文津閣本作井

滿地飄殘六出花
道是楊花疑是梨花
多才賡和屬
誰家謝是詩家李
是詞家少年羈旅
若飛花酒泛
桃花曲奏梅花醉
看何事足名家
大武黃家大依朱
家

破陣子

詠懷

舊掌玉皇香案
新參金馬頭
僊錯聽玉笙
曾一笑誤
盟鈿盒到人間
相逢又幾年
醉後新詩數
首閒來
小令千篇不賈
不農兼不吏
宜嘲宜怨又
宜顛深眸
望遠天

漁家傲

本意

六尺孤篷搖綠水
青蓑慣沐三時雨
急浪驚風全不

理呼兒語得魚賣向前村裏
潑刺錦鱗揚赤尾江湖
憔悴如人比太息收綸魚且去無錢醉一宵婦子
醒然睡

漂白漁人乘小舟以白板貼水面附舟而行
又以木槌擊舟使聲不絕魚聞則頭暈自跳
入舟名曰漂白船

一葦撇破桃花浪望將片板隨船漾擊板船頭魚腦
張驚莫向錦鱗跳趁漁翁槳月落潮平初日上呼
兒晒網垂楊傍網角丁東風鐵響閒撫掌人魚悲喜
身皆妾

連理枝

早梅和龔瑯琊韻

多少春心聚幾瓣花開處乍見還疑細窺應怯聞香
且住縱他時爛漫滿人間權作東風主往事何堪
數九九纔過五慣歷風霜飽餐冰雪相逢老圃想芳
菲容易到枝頭看纖紅初吐

江城子

元宵苦雨

兒童鏡鼓鬧新年正喧然畫屏前爲甚和風和雨晚
廉纖遙想雲中今夜月人不見晤團圓有人攜手

玉闌邊悄無言恰憑肩且向紅燈綠酒共流連翠袖
雙擎私致語君莫負上元天

千秋歲

早發

晚煙如織穩駕舟如葉雙槳動孤帆揭水聲驚舵尾
岸影移窗隙擡眼望一輪紅吐扶桑日 辜負今番
憶容易前番別清夢醒柔腸結帳垂珠帶遶被冷紅
綾摺間問取朝來曾過誰家驛

風入松

輕舟

垂楊低映木蘭船水色碧於煙乍晴乍雨垂楊外倩
雙鬟試捲晶簾人道鴟夷歸去五湖風景依然 生
平壯志不須憐此意阿誰邊前攜賓客中間我後還
攜舞袖歌絃恨少輕舟兩箇羞他富貴神仙

驀山溪

玉茗樓感舊

重登小閣芳草殘紅候二十五年前黯銷魂玉人攜
手暗塵凝壁憔悴幾行詩君知否空回首風捲斜陽
驟 追思如夢舊事渾難剖一去兩茫然悵無端前
生邂逅不堪心緒無語對窗紗凭闌久三更後月落

梨花瘦

十五家詞卷十六

十五家詞卷十六

十一中華書局聚

珍做宋版印

欽定四庫全書

十五家詞卷十七

休寧孫默編

黃永溪南詞下

長調

滿江紅

讀魏文帝與朝歌令吳質書

才藻翩翩羨幾箇南皮佳客記當日追隨冠珮聯車
接席六博彈碁南館下浮瓜沉李西廊側更輪輿徐
向後園來鳴騶寂 明月轉悲笳咽清露落哀箏激
看應劉徐阮詩矛文戟王伯雌雄知已定文章壇坫
盟初熱歎一朝絃絕為鍾期西風泣

舟中

容與輕刀喜山氣蒼然欲滴正四月嫩寒輕暖清和
時節垂柳綠藏魚婢穩落花紅糝鷗兒食問舟中瀟
灑是何人滄浪客 縱一葦凌空檝看千仞搏風翼
望蔚藍上下水光天色萬里崆峒豪士劍一聲江海
漁人笛知壯懷銷落在何時吾心惻

卽景

急雨狂風頃化作晴空千里纔過眼炎涼反覆誰為

爲此人世大都多此態天公作俑何妨爾笑伊家忽
喜忽然悲誠哉鄙鼓棹去隨波駛叉手立看雲起
任英雄狡獪聞雷喪七放我逍遙春夢外容君千百
秋膏裏嘆人間逝者總如斯徒然耳

自題舊照

窄地相看還引鏡道然欲笑誰寫作錦衣窄袖入時
風調一卷長攜原似昨怪翁當日曾英少更可憐捧
硯煑茶人年方妙容偃蹇湖山靠聽響屨迴廊繞
任小園爛漫春風花草如此生平良不惡呼兒早認
而翁貌倘將來畫出不堪觀皤然老

蛙

汝爲公乎抑私也無端饒舌更何故池塘青草勞勞
通夕一部鼓吹誰道好不堪聒耳溪邊立且出門扶
杖復歸來耽吾寂新月上鳴逾急驟雨過聲如噎
嘆汝無魚樂清非蟬匹水草藏身原自穩身將隱矣
何容說笑吾儕有文津閣本作開口亦如卿三緘畢

送王阮亭遷儀部北上

作吏三年似此去玉鞭西驟看父老攀轅臥轍使君
知否粉署含香風調美玉堂彩筆需君久想金蓮草
勅晚歸來俛紅袖知頗憶山中友曾醉倒田間酒

嘆十年交態披襟握手戴笠乘車吾與汝九州四海
情何有倘他時相遇或相呼王曰叟時 功令部郎
得改詞臣故有玉堂彩筆之句

東籬

歸去來兮恰五載逍遙林外敢自比淵明高致田園
瀟灑我自不才明主棄旁人翻訝何爲者且悠然採
菊復看山東籬下 誰問答漁樵話堪語笑妻孥暇
只未能免俗酒杯詩債屈子有天何必問揚雄嘲罷
無煩解道誰人文津閣本作無能猶又能狂吾師也

戲示次內

雖則如雲休認作少年佳麗良不愧村粧野婦短衫
椎髻經卷藥鑪今日事舞裙歌扇從來未想孟光初
嫁伯鸞時居然是 手不釋麻和絮目不倦鹽和豉
更課兒書卷課奴機杼我豈忘情絲與竹家無工技
邯鄲女只秋聽蟬噪夏聽鷗吾老矣

小照前瓶荷

茂叔嘗云汝乃是花之君子看幾朵綠莖翠蓋亭亭
幽渚折取一枝聊作供轆轤新挽銀床水問畫圖相
向却何人難相擬 記前日香含蕊忽數瓣紅飄几
想來時憔悴落時容易千古奇冤曾未雪六郎有貌

何堪比喜山翁賦得一行詩爲君洗

秋蛩

秋矣悲夫忽到處蛩聲唧唧如助我小窗愁思一何
淒切幾度攪回莊叟夢無端擅踞相如壁自二更擁
被五更來無休歇豈無故長饒舌縱有恨和誰說
但漫空月影桂香飄屑屬國羈臣南望淚左徒弟子
傷心日問人間多少不平鳴君其一

中秋

玉露初零看上下冰壺清澈端不愧天邊良夜人間
佳節萬里浮雲誰淨掃一輪皓魄凌空出道秋光九
十恰平分當今夕曲欄外疎星列紛桂影飄香屑
更彩雲環映貝宮珠闕何處良遊高興盡廣庭自按
霓裳疊想人生有恨合同圓明如月

壽孫風山四十

駿馬錦衣是當日玉堂年少拂袖去水邊林下攜筇
長嘯帝曰病乎非汝棄人呼狂者何妨傲十年前江
左舊孫郎歸來早斑衣舞高堂笑鳩車戲羣兒遶
更公門桃李春風繚繞去國不憂鬚髮變入宮尚苦
蛾眉好看身如落葉一般輕容吾老

舟次邂逅程村爲尤展成寄同曹顧菴宋旣

庭倡和詞一卷依韻和之

劈面相迎一篙破綠波秋漲憑寄語吳門客到舊遊
無恙貽我一編冰雪句憶君知己雲霄上却仍從一
二酒人遊歌相餉似鷗鷺同飄漾誰賓主相賡唱
且逢人作達甕開新釀蠟就一生狂士屐攜來九節
仙人杖怪此翁豪氣未全除非吾狀展成臨去秋波
文一篇曾達世祖章皇帝御覽極加稱許故有知
己雲霄之句○文津閣本秋波下為一篇傳流海內
名公卿無不心賞故有知己雲霄之句

詠懷和前韻

欲寫我心烏皮几墨濤初漲橫眼看桑田滄海古今
無恙有恨不妨埋地底無愁可寄還天上且曲曲字
從文津閣本補成數子和而歌矜相餉秦楚戰游
絲漾遷固筆寒蛩唱任春風秋雨乾坤釀月缺吳
剛空抱斧日斜夸父須投杖覺媧皇鍊石補天來無
完狀

泌水洋洋衡門下雨餘新漲好跌坐釣磯石畔桃花
無恙孺子歌來楊柳外大夫休怨江潭上羨東隣吹
黍復烹葵孺子三句從文津閣本補東菑餉魚自
樂中流漾鳥自喜中林唱有家藏斗酒山妻曾釀入

室漫憂童穉文津閣本作子聒中年忍與嬌兒杖問
吾當三十五年前如伊狀

今也何時一之日土膏攢漲還自喜禾登麥茁田園
無恙社肉分從里宰後蠻歌劇踞村兒上論功名甘
付與他人從天餉 鼓一葉溪邊漾製一曲人前唱
任蟻爭穴徙蜂爭花釀穉子自驅南畝犢老人且策
東籬杖倩誰留林下一人看閒閒狀

寄懷吳門同好用前韻

長憶蘇州梅花雨錦帆流漲記多少屠兒釣叟起居
無恙擊筑漫從從燕市裏吹簫還到吳江上却依然解
近酒間豪揮錢餉 罇諸里斜陽漾要離塚山魘唱
聽歌聲變徵壯心徒釀綠鬢向憐西子髮雞皮忍睹
將軍杖恐他時相遇復相驚頽然狀

聞笛用前韻

修竹如雲誰截似鳳膺微漲橫吹向山青水綠晴空
無恙瀟灑桓伊邀渡處淒涼衛尉空堂上算何如牛
背小兒豪清音餉 义手看輕鷗漾回首望雛鶯唱
任陰晴天氣日烘霞釀明日相隨田父社文津閣本
作里前途須避鄰翁杖且逍遙白眼看他人紛何狀

卓人見過小酌用前韻

白日行吟看幾處，圩田銷漲忽一笑相逢。二老鬚眉無恙，並坐鼓絃茅舍裏。舊時作賦鑿坡上，憶中書落筆堵牆看驚誰餉。浪蹤跡紅塵漾，狂名姓青樓唱。且我歌子和子斟，我釀無婦能彈趙女瑟。有兒聊代邛州杖，說從來酒聖是毛公觀卿狀。

卓人約過安陽山居用前韻

子惠思子放艇去，綠帆風漲舊遊處。萬松精舍可能無恙，咫尺相看原不厭。到時昏黑終須上道，炊煙起處有人家清樽餉。潑潑鯉偏搖漾，呦呦鹿如隨唱。有杜家遺法百壺清釀我醉欲眠，徐穉榻君休莫負安期杖。似王維裴迪輞川遊當年狀。

江上感懷

天下滔滔似東去，長江無際更萬頃。洪文津閣本作波濤若練，洄流欲沸如此風。波行不得褰裳欲往君還未，待商量深時宜厲淺。如何仍須揭浩浩者，卿休避硜硜者吾。知計似輕鷗狎水浴，鳧游戲擊楫中流歌且嘯。驅車九折難乎易看一帆飛過打魚船，心爲悸。

過訪史順德庸菴途次有作

擊楫中流猛駕起，一帆風色渾似昔。蒼蒼潏潏九霄

摩翻醉後憶歌燕市缶饑來浪乞柴桑食知使君高
誼薄雲霄曾嗟及 休自比歌魚客還應念同車日
也風餐水宿冷盃殘炙千折黃河晴又雨中秋好月
圓還缺且呼君斗酒向君傾為君說

水調歌頭

流觴

五畝田間宅流水遶迤迤誰歟林外剝啄斗酒問山
妻敢學蘭亭禊飲且作盃湖夜汎觴勺漫提攜二參
情未歇一石醉如泥 嗟公等同落落肯棲棲一路
浩歌歸去風月滿前溪人自封侯萬里我自滄浪垂
釣去住兩無疑人生行樂耳富貴更何時

黃河

天下滔滔也逝者盡如斯何故逆流牽挽爭似順流
時一片孤帆隱隱萬里長風浩浩相送渺何之頻聽
長年語神力勉扶持 君低詠吾高臥兩相宜閱盡
風波人世此地地字從文津閣本補坦無疑道自崐
崙發脈又憶龍門疏鑿九曲遶如絲波浪年年有清
濁幾人知

滿庭芳

學圃

方欲爲農且先學圃舍旁隙地堪犁青青綠竹抽笋
傍簷低都道桃紅李白要添些奴橘梅妻殷勤向東
隣乞取羅列滿牆西 怪山翁多事花臺左右插權
編籬有二三童穉名段名稽自起臨流抱甕長澆灌
嫩蕊新萸他年好雙柑斗酒扶杖聽黃鸝

行歌

負手行歌攜筇獨嘯閒閒桑者誰歟古人未往桀溺
與長沮縛就幾間茅屋隨高下種竹栽魚出門見青
山當戶流水遶吾廬 先生今老矣人應棄我我亦
憐渠喜松花作釀細菜堪菹喚取山妻穉子團欒坐
扣缶吹竽朝朝願花前醅酌此外更何須

鳳凰臺上憶吹簫

別恨

楊柳風多梧桐露落蘭舟初泊方塘正畫樓酒散殘
月微涼多少心頭舊事些兒語刺刺商量聽何處晨
鷄嗶嗶重剔銀缸 悲傷半醒猶醉看水光天色一
派蒼茫更林鴉鼓翼欸乃漁郎重向赤欄干外攜紅
袖親佩香囊偷揮淚煙波十里摧折剛腸

玉蝴蝶

當年

記得當年此夜讀書初倦小閣知秋隨意畫欄小飲
月掛新鉤喜新詞繡香題集耽佳話簫鳳名樓最風
流小鬟低報煖熨香綢 綢繆離披斜倚玉山無力
欲去還愁戲問檀郎醉鄉何處覓溫柔暗香迷花間
蝴蝶清露滴夢裏蟬蛸盡遲留三更梧雨一枕颼颼

佳人

恰是破瓜時節盈盈十五初嫁王昌六曲屏山如畫
玉照晨張迴青盼芙蓉出水擎素手抹麗生香更消
停眉峯未掃留待檀郎 商量曉粧纔罷衣開蛟蝶
裙遶瀟湘阿母頻催輕輕移繡屐出前廊愛好多遍詢
宜稱矜年少略欠端詳又遲疑恐人偷覷着意隄防

念奴嬌

南樓聽笛

南樓暫倚聽何人獨向暮雲吹笛明月空寒千萬里
寫遍一天秋色姑射山頭瑤臺月下此際淒清絕望
中見否駕鯨騎鶴仙客 遙想當日知音柯亭妙響
千古真無匹吹破半生蕉鹿夢冷露淋漓獨立衛尉
堂前睢陽樓上過眼都陳迹把杯笑問幾人辜負今
夕

別妾

別離誰慣歎今朝舊恨新愁俱積回首蒼茫煙樹遠
司馬青衫應濕馬上征人閨中少婦咫尺分南北笑
啼不敢幾回相向猶咽悔却當日多情紅絲牽挽
牢綰柔腸結嫩柳緋桃行樂處過眼蘆花楓葉紅袖
擎觴烏絲覓句何事堪拋擲乍眠還醒瘦驢門外得
得上得字叶平聲

家敬旃將軍招同彭駿孫雲客宋旣庭家庭
表邀馮校書靜容夜宴

華堂春暖正綺席初開將軍私第名士傾城相際會
蓮漏厭厭凡幾觴倒鷓鴣盃傳鸚鵡夜靜魚龍戲笙
歌乍歇清謳檀板方起忽聽玉勒驕嘶雄心橫發
長劍崆峒倚錦地燈天人旣醉指掌山川聚米火樹
擎紅帳絲圍紫暗月佳人語主人解事留髡送客歸
未

同浦八舅過梁溪周羽士精舍宿因憶向會
過此有南樓聽笛念奴嬌一調今二十餘年
矣以姓名問今羽士不知也因疊前調以爲
後驗

洞天福地問誰來剝啄昔年狂客二十年前曾一過
意氣鬚眉都別蜀帝啼鷓令威化鶴往事傷心絕依

然相見南樓今夜明月
樓前雜樹零花樓中楚楚
幾幅雲林筆丹竈繩床仍未改少文津閣本作若箇
樓頭吹鐵高不勝寒仙乎欲去待鼓凌風翼瓊宮玉
宇盈盈相望咫尺

放歌

吾今安得把長江萬里變成醇酒天下誰醒儂亦醉
休道先生五斗杯裏看蛇蕉間逐鹿時喜時驚走不
知有漢彼哉晉魏何有可憐古往今來蟻爭鼠鬪
誰弱誰強手劉項功名狐董筆蝴蝶一回莊叟泡滅
還生幻成復破此際無窮否一樽長滿青天明月吾
友

金山游眺用夏桂洲韻

振衣千仞便身如遺世超然獨立萬頃銀濤生足下
縹緲片帆風力地下埋金波間浮玉天半撐孤壁釣
魚臺畔一竿煙際孤植巍然砥柱中流人工鬼斧
誰捧青蓮出縱翅扶搖須直上到此長風一息激水
三千去天尺五獨矯翬飛翼扁舟迴顧江心一點卷
石

中秋舟泊夏鎮與同舟人小飲

扁舟此夜看天邊又是月圓時節萬里浮雲都捲盡

高湧一輪孤潔有客無殺有殺無酒那得開胸臆青
帘搖漾青銅沽盡三百 人間美景良辰人生有幾
何事輕拋擲花自有開還有謝月亦有圓還缺富貴
何時少年易去如水流無息頽然便醉醒來東望將
白

桂枝香

秦對巖招同過石公錢礎日顧景行巖蓀文
津閣本作孫友薛旣暘諸子宴集

玉堂金馬正年少歸來風流如畫庭院深深錦席螺
盃初把西園東第人猶在幾冷落騷壇文津閣本作
人風雅愁康逾懶山公老去傷心茶話 看月落雕
闌花下又簫鼓無聲明珠不夜玉屑霏霏萬斛流泉
傾瀉金谷豪華行似夢今朝重結漁樵社三更打看
參橫斗轉蕭然歸罷

水龍吟

夢醒

誰憐對酒長歌頽然醉也無人見醒來何地小窗斜
逗月痕如綫敗紙敲空乍寒擁絮腸迴九轉憶少年
意氣無幾老大些兒事思量遍 自笑頭顱種種杏
難追石光飛電功名幻想文章鄙事豪華虛願往者

何人有才無命公乎慚忝羨滄浪舊侶綠蓑青笠釣
舟輕便

綺羅香

送燕

春去無蹤水來有信一霎光陰如雨燕燕于飛軟語
商量欲去憶曾過王謝高門又忽見金張新第儘人
間茆屋華堂惆悵淹留無幾臨歧多少叮嚀料前
路相逢雁行迢遞我去君來黯絕魂銷此際任空梁
落剩香泥憐故壘拖殘花蒂怕廢興南北相同見舊
巢安未

永遇樂

同陳俞二子過惠山茶肆小飲醉後感作

細雨還晴剩寒新暖清和天氣五里長街九龍峯下
比舊風光美良朋連袂單衫小扇依約冶遊情味問
誰家曲徑朱欄紅杏赤葵交媚沽來斗酒頽然醉
了笑折花枝簪髻拍手狂呼揮盃自勸暗搵無端淚
英雄失路書生落拓同是一般憔悴空歸去野水方
塘瞥看山翠

二郎神

吳門感舊

依稀猶在金谷春光如海步障錦絲圍妙舞清歌交
賽粉行珠隊誰道司空渾見慣幾回聽霓裳仙籟算
此際人間天上有數風流嘉會無奈名士傾城文
津閣本作風流目眇心醉恨楊柳風多花早落道月
缺難圓易壞綠珠樓墜黜風老才人廝養還相配幾
春來秋去池塘蛙鼓遠山疑黛

望遠行

飲孟廣文宅

依然東野先生也門徑蕭條如寄誰家梁肉到處笙
歌豈識廣文風味數朵黃花點綴西風籬落歸去來
兮還未怪歸來却剩秋光無幾
媿媿剪燭窗前夜
話公瑾醇醪相對此夕啣盃昨朝傾蓋北地南天千
里我自漁舟醉舞如君高致休賦不才長棄只襄陽
耆老暫棲衡泌

薄倖

戴溪感舊

錦燈良夜記當日笙歌纔罷猛邂逅赤闌干畔窈窕
天生如畫悵前緣一笑分離喜今日相逢未嫁任青
鳥書傳藍橋水落猶恨蓬山天外
舊日桃花門巷
都一霎蝶飛雲化縱玉清非遠少君有術道帳裏姍

姍欲下是耶非也看一坏黄土枉做出燕齊迂怪年
年寒食風雨白楊沾灑

風流子

邨居

梅花村墅裏三間屋一帶短籬遮見杜老堂成滿堦
馴雀蔣生逕啓幾樹藏鴉更兼有松間堪抱膝柳下
好停車有客來時三盃桑落無人到處一逕桐華
道先生隱者好裁成芟服買就漁艇更覺神清秋水
骨秀烟霞任世上浮沉風飄耳畔人間得失絮落天
涯笑指華胥古道這是儂家

吾將從此逝吾何意吾亦愛吾廬看眼底浮雲花從
開謝堦前生意草不芟除閒尋去古苔侵石罅流水
灌山廚盃盃歸來乎一琴一鶴薄言觀者非我非魚
何人長握手有西隣野叟能賦能書便相逢成二老
一樣清癯且白墮三盃胸中浩浩黑甜一枕世外蘧
蘧人笑高陽去後又兩狂且

過秦樓

七夕狂風甚雨

噎氣號空傾盆連夕迅雨狂飈堪怖牛渚波翻銀河
浪捲誰許鵲橋輕渡一刻千金此時氏妣參煤雙星

初晤奈多磨好事月姊無情風姨偏妬能消得幾
許綢繆玉雞嗑嗑蚤是五更風露癡兒騃女瓜果樓
前樓上穿針纔度爭向天孫訴懷得巧休懽乞時休
苦算從前巧悞天孫肯復送君相悞

沁園春

寄題徐道力玉禾堂

四海浮鷗一身落葉何事堪憑歎朝川煙水徒供入
畫桃源雞犬莫渡迷津金谷風塵銅駝荆棘那處青
山可卜隣君何幸有玉禾片地松菊長存草堂風
味蕭森敢喚作羲皇以上民羨江干車馬誰人問字
筵前樽酒有客攜琴春草能花秋蟲自語一榻清風
且曲肱他年過記登斯堂也心曠神清

偶興和王阮亭韻

吾道非耶滔滔皆是歲月空流問君子之交誰甘如
醴古人自許敢曲如鉤落落無徒囂囂自得九點青
煙望九州嗟多少是藍田舊將瓜圃通侯一觴一
詠相酬任落葉隨風水上浮只越水吳山從吾所好
竹籬茅舍於世何求醉裏乾坤閱中今古麋鹿爲羣
倡白鷗休相認有少年同學肥馬輕裘

長嘯歸來或漁於溪或圃於岡且可否之間不夷不

惠中行豈敢疑猜疑狂白眼看他青山老我慢世居
然入世方休再道會封侯萬戶昔遇文津閣本作日
高皇 閒來濯足滄浪又種竹千枝木幾章愧能酒
能詩陶潛李白亦經亦史司馬公羊醉後長歌燈前
自舞也算生平意氣場嗟今日只黑甜一枕快矣吾
鄉

壽孫母龔太君爲又學賦

問母爲誰爲姜爲陶爲尹爲班念熊丸早歲孤燈黯
黯絳帷當日環珮珊珊儼是經師曾傳女誠彤管千
秋姓氏看今何在在鹿門深處介子山間 高風
更許誰攀喜偕隱蕭蕭綠野閒況潘輿長侍花前籃
筍萊衣長曳庭際斑斕樂且含飴貧能負米豈識人
生行路難尤堪羨聽霞觴捧罷春鳥閒關

悲秋

宋玉言之春女多思秋士多悲况零風細雨乍停還
續蛩聲雁影到處相隨四壁蕭蕭孤燈落落縱有高
懷那處開除非是且登山涉水打馬飛盃 醉時屢
舞回回看雲氣漫空白日頽似江魂銷罷黯然欲別
潘愁盡處如送將歸人事蕭條天公做作長笑微吟
淚暗垂還自問這黃花紅葉干汝誰來

題位公小照

咄爾何人長松之下古柏之間看蒲團穩坐神情落
落布袍長裹風骨珊珊一拂一盃不鞋不杖白石如
龍草似綿抵多少在恆沙小劫夢泡塵緣西來蹤
跡蕭然猶髣髴當初面壁年曾與誰摩頂菩提座下
何方行脚舍衛城邊辨欲忘時心將安託春綠秋紅
自在天人只見有茅菴方丈片席青蓮

恭展先慈遺照示舍弟初子

跪展遺容傷哉吾母如見當年憶含毫想像桐花窗
下整衣端坐萱草闌邊堂上含飴堦前舞綵十載悲
歡髣髴間兒偏愧霞冠鳳帔何日重添思量經
幾團團歎忽地音容便渺然痛臨岐針線行時密密
隔江烽火病後懨懨寥落倚闥倉皇避地衣帶盈盈
判各天還慰藉有朝溫夕省嗟仲能賢服官刑曹止
兩月而先慈訃至後竟以他累坐廢未受勅封

賀新郎

往事

往事卿思否十年來幾嗔幾喜相偎相守漫道悲懽
如水去提起心頭都有卿且置一觴一缶笑拔金釵
閒指點一椿椿欲說還搖手恐化作皤然叟何妨

憤憤居人後更誇甚筆搖千字胸盤二酉對酒當歌
卿試舞長袖離披紅溜爲聊盡先生五斗醉看諸兒
羣遶膝待長成五嶽容吾走卿好做尋山偶

丙子買浦氏舊宅一區前有隙地余種梅花

三百株因賦示

笑指梁鴻婦記當初伯通廡下縞衣相守椎髻短裝
君似昔怪我年來老醜肯辜負緋桃穠柳何物清寒
堪似我與梅花作對差能否人喚作孤山叟須栽
二百羅前後舞春風漫空飛雪暗香堆袖待得花開
梅子熟換取東隣美酒拚再倒田家瓦缶白眼乾坤
多少大儘蝸頭冠蓋相趨走君隱矣吾何有

十月幾望順德署中與諸公醉後看月時余
自七夕後往句曲至此凡四閱月矣

今夕斯何夕又一度月當三五團圓時節短髮飄蕭
清影下添卻露淒風切還自笑輕衫蟬翼多少炎涼
都歷盡舊腰身鍊作冰霜骨何用補貂裘黑 懽然
相見憐相別漫指點銀瓶索酒臣能一石太守清狂
應不改豪興吾徒猶昔休只把唾壺敲缺醉跨瘦驢
何處去盍歸乎浪舞馮驩鉞且再看滄江雪

讀西寺趙吳興所書虛照禪師塔銘

屹爾蹲空碧手摩挲碑高幾丈大書深勒柳骨顏筋
爭勝外別有吳興筆力看何似簪花風格人待文傳
文孰待待行間珠玉淋漓墨天下寶應同惜 驚如
風雨揮毫夕堪想像銀鉤鉄畫腕隨心得舍利光明
同照耀一片大千虛白曾經幾露痕霜跡師弟名聲
相上下問今朝誰搨虛舟碣骨朽矣人猶宅虛舟係
照嗣亦有集賢學士王思廉所撰碑銘而照碑爲翰
林承旨陳庭實所撰以吳興書法獨傳

摸魚兒

送春

怪當初春來何意今送春歸何處游絲繞地漫天絮
頃刻鶯花無主留不住那復管黃鸝啼斷斜陽樹算
誰相顧只紈扇兒郎紅衫小女餞卻東郊路 從今
後總任梅黃杏紫別換一番風雨牡丹亭畔梨花院
也自錦圍玉聚空延佇長冷落王孫寶騎笙歌墅此
情休訴羨蝴蝶顛狂花間栩栩不問來去

綠頭鴨

端午

趁晴明恰正是女兒佳節雙雙姊妹相攜倩娘梳妝
丹新髻邀郎着杏子單衣玉璽新裁紅絨細嚼金釵

押襯石榴枝人都道內家粧束別樣風姿
莫遲疑繡旗畫幟逢逢鏡鼓來時被花遮簾前煩惱驚人觀
背後矜持又何處清謳檀板一派好風吹酒後三絃
歌闌十番叶法誰家浪文津閣本作蕩子擁妖姬姬
字從文津閣本補忙迴避蕩舟歸去說與郎知

十二時

送史庸菴赴補補字從文津閣本補北上

先生那得高眠也且為蒼生一起正五月嫩晴天氣
門外柳濃波翠兩載朱幡三年黃綬總是心如水驪
唱罷琴鶴蕭然效乃扁舟月色江聲相倚最牽情
歸來曾賦幾點鷺朋鷗伍白社清吟蘭亭高會事事
關人意看縱橫斑管烏絲疎狂餘幾喜今朝柔鄉
翠國別有一番風味月底笙簫風前蘭麝望裏神仙
侶只高陽舊伴醉踏漁舟歸去

玉女搖仙珮

壽巢儀部兼山先生六十

天衢貴客粉署仙郎未老拂衣歸去新製荷裳纔成
小築恰在白雲深處看門前流水并樓頭明月蕭然
佳致更說甚野間綿葛殿上歌呼叔孫典禮好白眼
科頭藤杖芒鞋山巔水際更有井公園客金粟洪

匡笑語從容聯袂五夜鸞簫九霄笙鶴人世繁華無
比怪婚男嫁女把向平早歲良時輕棄問先生逍遙
五嶽舊時都養容吾執御兩不負有巢家世黃熊裔

十五家詞卷十七

欽定四庫全書

十五家詞卷十八

休寧孫默編

陸求可月湄詞一

序文從文津閣本補

溫而生而花間作刻羽引商李晏出而草堂興諧聲
依詠淮海漱玉倡溫麗之微言稼軒放翁極雄豪之
變態投袂而赴節詠歌朝廟之端比事以屬詞悵別
都門之外管絃所協作者撥映褰芳詞令斐然聽之
驚心動魄洵元音之鼓吹衍樂府之源流近代而還
指不多屈用修元美幾同秦柳升堂徵仲眉公亦比
歐蘇入室張右文纂圖譜恰在泯絕之日錢功甫輯
詞華適丁散佚之年各出新聲俱標豔體多有緣情
雅作寧爲累德微詞碧雲紅葉之章共推揚於文正
楊花謝橋之句猶許可於伊川蓋假物而行吟實賢
者所不免未可呵爲蠟屐奚容等若雕虫僕解絃偷
閒讀書懷古詠綠肥紅瘦不覺魂銷吟殘月曉風能
無技癢爰尋聲而按譜遂累句以成編託景言懷或
緣感激而歸曠遠逢時攬勝或因歡冶而起悲愁卉
蕊涉趣於朝昏虫鳥爭妍於遠邇假閨房而矢詠豈

曰淫哇望古昔以具言敢流憤激風雲月露盡入筆
端尹吉姬姜俱供詞料寫生體物未造語入微惜別
徵歌將深情如訴厥類既廣爲調良多翰墨怡情竊
愧短轅之犢聲歌娛志猶賢長日之棋藉以消憂用
茲捐忿隨時銓次間多先後之殊辨物成章弗別短
長之體誠知蓬垢自喜未窺傾國之令姿然而瓦缶
雜陳或當拊髀之雅好情詞刺謬倘蒙一顧於周郎
教誨殷勤願貺百朋於陸子庶乎挈微蛙智并得窺
蒼昊之全轉尺鯢蹄涉獲識江河之大敢云藿白聊
備芻蕘

清平樂

催春

忙呼百舌來報芳菲節黍谷鄒陽吹律切早晚菖蒲
綰結 五原消息嫌遲赭鞭行令無私青帝重來巡
狩翠華芳草天涯

中興樂第一體

立春

寶騎迎來日載陽東郊瑞綰晴光上牛畔野老話農
桑 洞庭春色黃柑子梅園裏五辛盤舉斟酌處景
初長

唐多令

元日

四始轉芳洲三微啓孟陬獻椒花頌出妝樓聚飲屠
蘇誰最少添一歲更風流 閨闔在螭頭衣冠拜冕
旒賜醪醴白獸樽浮朝罷金蓮花炬散會記入火城
遊

訴衷情近

人日

入春七日便覺韶光輕轉梅花飄雪簾櫳柳色弄晴
庭院多少竹房松塢野店山橋早聽倉庚轉 閨情
倩綵剪桃花人面屏風金箔帖遍教誰見登樓眇知
伊思發花前隔斷關河鄉縣寫盡鵝溪絹

金縷曲

試燈夕

洗出新春月正竹架松棚逼近上元佳節巷陌笙歌
香暗度望見高樓殘雪啓繡戶藏燈重疊提出錦箱
銀燭換碧玲瓏齊掛雕梁鐵斗柄轉衆星列 玉堂
綺宴琉璃澈乍舉頭瑤天朗淨低通藻梲漏箭不催
金吾醉侍女頻添雞舌且一任蘭膏明滅未過傳柑
三五夜儘燈花開箇同心結初試起水晶熱

霜天曉角

元夕

新正月半皓影連雲漢偏鬧六街燈火好月無人看
喧闐簫鼓亂日日如何日歸坐小山梅下香茗幾
人清玩

傳言玉女

元宵獨酌

巷陌如雲盡是冶游兒女斜陽初下看煙含蒼嶼銀
蟾皎潔第一團圓時序漫尋良友且斟芳醕 滿院
梅花竹兼松對蠟炬歲寒三友勝廣寒仙侶家童報
道門外燒燈如許輾然點首擎杯無語

玉漏遲

元夜有懷

姮娥清鏡滿良宵偏稱燒燈爲壽到處笙歌五夜明
如白晝火樹星橋不斷更寶馬香車馳驟真輻輳貧
家隘巷下機拋繡 何如試鼓狂生著單絞岑牟揚
槌恐後三弄漁陽四座盡傾節奏今日風流名士想
惟有傳柑依舊聽玉漏低徊漢書時候

河傳第八體

元宵風雨

上元風雨補天何處一街春水玉樓深宴設洞庭柑
子窗明燈影裏 山棚濕透殿紅紫羞簪珥閒殺尋
燈履廣寒宮雲影中空濛無橋駕綵虹

摘得新

閏元宵

閏孟春喜見月重輪青藜雙照我讀書人一年兩度
正月半踏歌頻

念奴嬌 第三體

花朝

中和過了又花朝清霽無邊煙景水綠天青歸雁喜
風暖一灣漁艇嫩柳園亭新蒲池館寒盡松筠嶺樓
臺初啓曉來翠袖輕冷 堪愛細草芊綿踏青絲履
轉過鞦韆影暗禱封姨休折損穠李緋桃紅杏上苑
金鞍後庭玉樹都是神仙境芳菲撲蝶爲誰良會馳
騁

惜分飛

上巳

溱洧遺風多芍藥好訂蘭亭春約曲水流觴酌因脩
禊事看魚躍 匝樹花芳鶯語樂鬪草東風池閣可
有金人落水心長劍凌波托

柳梢青第一體

寒食

細柳生烟天桃吐火寒食春天茶竈停炊熏籠罷熱
冷落榆錢 佳人爭戲鞦韆飄蕩處依稀半仙一騎
紅塵九門魚鑰樂事無邊

玉女搖仙珮

清明

官場蹴鞠禁院鞦韆處處亂紅輕綠樓閣蓬瀛山河
錦繡無數衝花騎竹極望煙盈目盡新攢榆柳早傳
宮燭知多少王侯第宅薄暮笙歌宴飲金谷舞試踏
青鞋越豔吳娃湘裙六幅 昨日燕泥濕透柳絮飄
遲春鎖一天靄霏思婦夢回行人魂斷紅杏村墟酒
熟更喜逢晴燠競嬉遊隴上番間風俗看一路紙錢
飛蝶杜鵑染淚淡粧濃抹嬌聲哭歸家兒女燈前簇
送入我門來

端午

劍倚蒼蒲虎牽白艾清尊滿泛雄黃四海天中千古
號端陽剛剛五月逢初五近短至書雲夜漸長能續
命多少纏綿綵縷沐浴蘭湯 信是懷沙堪弔飛鳧
一時競渡澤畔悲涼今作歡娛誰斷汨羅腸紅裙妬

殺榴花色看眉黛凝萱草奪將笑粉團角黍小弓戲
射中者先嘗

賀新郎 第二體

閨端午

記得逐龍舟甚枝頭海榴花蕊重開如簇繡戶佳人
擎綵線艾索低低字從文津閣本補垂金屋再一度
蘭湯早浴新樣釵符雙髻滿聽溪頭十里笙歌續解
菰黍連昌歎 靈均休向歐回哭喜今年五絲揀葉
兩番風俗料想騷魂千載下波底不愁枵腹何須怨
龍潭蛟谷只有蟾蜍和蠍虎恨羲和置閨心何毒兩
月裏偏相促

巫山一段雲

端陽值雨

雨洗江心鏡無陽午不端暫將飛白扇盤桓榴火濕
生寒 受水烹臬易揚鞭折柳難葵花向日示人看
祇是寸心丹

金人捧露盤

七夕

孟秋天將弦月可憐宵看銀河烏鵲填橋黃姑無賴
不容天女織鮫綃瓊樓玉宇金風起離恨初消 笑

人間陳瓜果求蛛網望雲霄薛瑤英連理花飄流星
未墜深閨爭喜得躡蛸庭中柳子多文藻借景逍遙

離別難

閏七夕

曆正巧弄牽牛頌他兩度離愁嘆癡人不解羨歡娛
得再那知今曉別綵橋頭音信絕銀河闊平添幾只
淚波流 雙七夕支機石離別難霓裳比昔增寒重
奏于闐樂頻駕臨風鵲曝衣乍展先乾良會速依然
獨玉梭金鑷暫盤桓

卜算子

立秋

暗裏送秋光不管愁人怕偶向梧桐樹底行一葉當
頭下 風起小池寒露濕蓮房卸引動當年舊性情
無數悲秋話

帶人嬌

中秋

飛鏡當空萬里無雲高掛綠粉濕愁天易化繁星退
避更三星低亞涼世界一片水晶無價 雲際鸞車
山頭鶴駕折桂客望姮娥嫁樓臺白玉奏霓裳初罷
明入畫恐博望浮槎下

柳梢青

閨中秋

雲外天香月中桂子又做中秋一曲霓裳三聲玉笛
兩度嬉游披衣不用登樓但花下詩筒酒籌恐似
前番金錢散落醉裏誰收

水龍吟第一體

中秋雨

廣寒變作陽臺朝雲暮雨姮娥隱羽衣霑濕霓裳罷
舞桂花香冷水漲銀河煙迷玉兔天墜佳景縱明皇
欲試天師天師二字從文津閣本補幻術恐路斷金
橋引天柱如何得到賴知微攜尊同飲風生屐齒
月圓谷口清輝滿嶺瑤席當空瓊卮行露斗橫參近
怕歸來又是滂沱變黠閉門高枕

念奴嬌第三體

中秋無月

平分秋色正年年此日中秋佳節欲向姮娥相問訊
爲甚今宵無月掩盡銀蟾深藏玉兔無處憑圓缺繁
絃急管暮雲推起千疊縱有江上濤聲天邊桂子
冷落何須說樂事賞心還虧得筵上酒杯頻熱願學
長鯨千川一吸醉上清虛闕瓊樓玉宇諒清光不曾

滅

齊天樂

中秋泛舟

蘭橈六幅秋帆錦江上商飈清冷茶竈煙輕筆牀墨
 淡泛宅浮家風景鱸魚切粉兼蓴菜縈絲推篷小飲
 桂魄團圓廣寒宮裏天香近 武夷君在何處想雲
 袖寶座幔亭峯頂按節觀濤乘流弄月銀漢無聲高
 迴風和浪靜任珠露橫空金波千頃此夕中秋水仙
 能管領

醉紅樓

重陽

今年風雨釀重陽雁初飛菊正黃攜筇直到釣臺傍
 登眺處盡秋光 科頭長嘯髮蒼蒼任風起亦何妨
 望斷白衣歸小徑成獨坐啟南窗

江城梅花引

九日雨

一天風雨菊淒涼近重陽竟重陽咫尺東籬徑濕鎖
 寒香誰趁白衣蓑笠至同攜手到柴門泛羽觴 登
 高不得望高崗佩絳囊脯迎涼項羽臺邊空戲馬斷
 雁無行更向樓頭置酒擗羔羊桓景家中鷄犬樂休

出戶笑仙師費長房

點絳脣

小春

日瘦風輕小春天氣如春樂梅花開了香滿珠簾箔
橘綠橙黃只道冰霜惡人不覺明朝上苑花底張
油幕

千秋歲引

冬至

亞歲書雲黃鐘應律繡線新添五紋刺南來晷長視
八表西傾漏短名三極動葭灰懸風炭閉虛室迎
福履相遺貴戚聽樂奏鈞天純繹萬國交章賀元曆
天心自然生剝復羣陰那許長充塞一陽巾八音舞
豆糜赤

迎春樂

除夕

桃弧棘矢懸螺首明日飲屠蘇酒椒花頌獻藏鈎手
拚一一字從文津閣本補歲今宵守又是記年華
插柳恰半月星迴南斗爆竹新年消息雷動三更後
杏花天

初春

迎春簾幙重重曉乍撲面東風寒峭霜花雪樹關山
道轉眼王孫芳草 園林裏新鶯小小屋角外游絲
裊裊紅樓從此風光好齊約鞦韆會早

畫堂春

春日

一簾花影弄新晴流鶯飛過身輕水沉初燼夢初醒
無限春情 柳外高樓掩映橋頭野水空明尋芳何
處踏歌聲翻惹愁生

鶴冲天

春暮

鶯擲柳燕啣花撩亂到山家狂歌烏帽任欹斜把酒
聽琵琶 酒多少愁多少酒醒纔知春老對花舉酒
向東皇春去為誰忙

行香子

春曉

角枕齊齊錦帳低低傍温柔夢醒還疑和風吹面朝
日穿帷正蝶兒舞鶯兒語燕兒啼 獨坐窗西懶下
樓梯楚天遙草色萋萋輕煙未散綠暗芳堤看青門
外黃塵起紫騮飛

夢揚州

春晚

好春華却裝成芳草天涯庭下簾前惹得心事如麻
更孤立臨風無語落紅輕點窗紗呢喃燕御泥罷差
池又向誰家連日曾驅犢車看嬌鳥成羣嚙嚙啼
花妙舞清歌斷送春色堪嗟漫天飛盡傷心絮朱閣
扁淚眼難遮可能把明春麗景今歲先賒

如夢令

春夜

芸閣燈殘人靜睡鴨香銷灰冷獨坐不勝情窗外月
光千頃佳境佳境更有梅花弄影

鬪百花

春夜不寐

欹枕渾無心緒愁殺春天難曙畫簾清月光斜官舍
寒梅香度回想當年閣上藜火初紅掌底筆花方吐
半榻聞雞處五柳當門秉燭曾追酒賦風岩月岫
夢中願尋歸路何事今宵黃紬被裏扶頭只聽聞山
鐘鼓

惜分飛

春半

游興春天何懶惰能得花朝幾箇若要春愁破移春

檻裏開筵坐 燕燕鶯鶯啼向我滿院柳眠花驪晝
夜尋花臥春光一半休閒過

蝶戀花

春晴

露檻風床珠玉散石燕飛回天上金輪見雨洗春天
應好看新蒲細草清江岸 幾日不遊春已半趁得
初晴重整青油幔贈芍采蘭溪渙渙紅妝扇底桃花
亂

沁園春第一體

春雨

楊柳垂堤葡萄上架春滿南塘却和風習習輕雲漠
漠知時靈雨亂下高唐鬪草王孫踏青嬌女溼透花
毡對夕陽開筵處有蜻蜒上下燕子顛狂 溪頭雙
宿鴛鴦喜春漲平添近曉窗更園林無數樹頭紅冷
枝間白嫩洗盡殘粧好把金壺早沽美酒雨後看春
上野航偏成對是蝶兒輕粉蜂子新黃

天仙子第二體

春寒

春山歷歷春波瀏青衫白帽隨春走無端幾日雨兼
風生儂慙新花柳庭前簾下常垂首 雙袖了擗箏

纖手冷透了調鸚素口金猊空爇水沉香寒時候愁
時候杏花村裏沽村酒

女冠子 第四體

春雪

風光堪愛青天上彤雲無賴遲誤了酒緣花債紅桃
翠柳芳菲轉眼東皇顏色改玉屑天山滿飛甲龍初
敗看青樓朱幌凝妝少婦光生銀海更燕子休巢
鶯兒裏舌不似三春世界騎驢客杏花村外淺斟低
唱帳下將軍翻自在學士風流細烹茶清閒瀟灑把
前朝留下雙柑斗酒圍爐相對

少年遊 第四體

春郊

沙暄野潤柳眉花眼併作十分春翠袖飄香紅裙映
日陌上看如雲不晴不雨乍寒乍暖芳草藉花裊
人醉玉樓馬嘶金埒薄暮轉城闌

越溪春

春景

彷彿河陽春事好開遍滿城花繡鞍金勒繁華子傍
大堤撥盡琵琶士女香羅兒童竹馬閒踏桑麻認
庭樹樹棲鴉玉燭慶年華有時習郁池上一醉六街

拍手誼譁爭笑山公真醉倒落日接羅斜

慶春宮

春閨

荳蔻梢頭丁香枝上撩人一片春光懶繡文鴛閒聽
百舌猛添舊日愁腸章臺楊文津閣本作細柳東風
暖裊裊初長紅顏夫婿遠成功名空老沙場 金閨
花貌堪傷錦帳三年玉筍千行碧海銀蟾雕梁紫燕
春宵同守空房魚書雁帛封題了知有誰將萋萋芳
草連天遠近直到漁陽

訴衷情 第四體

踏青

寶鞍金勒曉蒼蒼各爲踏青忙隔花鳥聲頻喚隨地
是高陽 歌一曲酒千觴送春光莫教好景等閒負
却回首情傷

西江月 第一體

鬪草

鏡裏鴉黃新點屏前鳳管俱停分曹覓草背人行穿
入花蹊柳徑 小小榆錢堪拾纖纖芹葉初生袖中
拈出鬱金莖使盡聰明心性

燕臺春 以下六闋文津閣本無

春興

城闕九重山河千里煙花分外便妍舞榭粧樓何人
閒過春天鬪雞走馬爭先看玉河橋畔鳴珂穿柳刺
莓園裏弄管調絃京華旅食紫陌紅塵春衣典盡
酒舍因緣新豐羽騎官家校獵城邊燈火歸來遶鞍
雞兔滿臂烏鳶爲謾高眠試聽鄰家笛張宴留連

錦堂春

春懷

草上輕風乍暖花間日影初長粉牆露出鞦韆架牆
外有垂楊鶯語對人宛轉燕飛穿幕輕狂昨宵做
得還家夢早起賦山陽

江城子 第四體

春感

亭臯十里拾殘紅落花風暖溶溶記得年前沽酒畫
橋東憔悴今朝回首處煙草亂綠楊中香車寶馬
綺羅叢恨匆匆隔簾櫳望斷暮雲春樹萬千重那有
天邊青鳥信憑一枕夢魂通

南鄉子 第四體

春情

曉日滿三城春水如藍拍岸平架上酴醾開也未輕

輕隨意尋花獨自行
竹徑露華凝啜茗焚香一味
清捲起畫簾招燕子
生生又聽黃鸝第一聲

南歌子 第三體

春思

柳眼搖新綠
花顏發早紅
橋邊油壁易相逢
那數繁華
撩亂大堤東
醉客清明酒
吹人上巳風
幾番清宴
碧湖中
如今山居寂寞與誰同

唐多令

春懶

紫燕啄簷牙
游絲裊落霞
科頭立獨倚窗紗
底事今年無好興
常閉戶
日西斜
閒殺陌頭花
空留金犢車
峨眉老只在東家
識得愁
康真是懶
但攜手話桑麻

破陣子

春愁

門外落紅飛盡
枝頭杜宇聲多
料得春光難久住
忍放筵前金叵羅
傷心紅雪歌
咫尺上林燕會
暫時小苑婆娑
買得青山開別業
花謝鶯銷奈若何
烟霞偏坎坳

臨江仙 第七體

春怨

宦海浮沉多歲月歸來三徑看松筠東風何事苦辭
人窺簾鶯與燕相對也酸辛種得牡丹根未老教
成歌舞曲初新蠅名蝸利不沾身如何愁病裏虛度
一年春

二郎神第二體文津閣本作三

春恨

桃花開日有一箇內家妝束看幾葉春衫半鉤羅襪
蘭麝渾身馥郁庭畔珊珊環珮響恁撩亂愁容堪掬
便楊柳蠻腰櫻桃素口伴人幽獨眉蹙如何雲雨
高唐歸速聽杜宇聲香魂不返冷落今春板屋絃
管輕風躍踰涼月無那慘紅愁綠黃泉下輕把人人
斷送百身何贖

鳳啣杯

春病

晝掩重門愁自語前春不似今春苦任隱几憑欄支
離憔悴渾難住看病骨如風絮斷腸天銷魂雨甚
無端惱人情緒縱柳下花前一時沒箇安排處向夢
裏尋歡去

青衫溼

春別

婆娑文津閣本作萋萋南浦無情草何事滿天涯等閒催得王孫遠去甚日還家徘徊歧路風前繫馬臺下停車除非醉後難開雙眼省了嗟呀

小桃紅

春遊

日暖亭皋綠桃李渾如簇步履尋春一行紅粉香車金犢更前村窈窕舊當壚正甕頭初熟獨酌杯行速醉倒青山足待得醒來歸鴉滿樹疎星射目恐明朝陰雨陡然來倩誰人秉燭

倦尋芳

春旅

輕衫初試小扇初搖賞花時候美景良辰翻作天涯奔走愁聽鶯啼窺燕舞關河落日頻回首甚今春何風塵碌碌兩眉空斂記當年賞心樂事柳院花房約伴攜酒一曲高歌常得舒顏開口今日淒涼誰共過千紅萬紫徧如繡却連朝看青衫文津閣本作山淚痕重透

西江月

春雷

半夜雷車驚蟄初春雨脚穿江梅花應已滿山香急
駕蘭橈畫槳 一帶青山如沐半灣綠水停航白雲
渺渺雪茫茫明月天連紙帳

錦帳春

賞春

鴉散垂楊馬嘶芳草看萬戶千門初曉趁晴天攜好
友共尋花聽鳥玉壺提了 繚繞沙堤喧鬪池沼論
美景人生多少鳳簫聲金縷曲勸當杯歡笑玉山齊
倒

木蘭花

惜春

日遲遲風裊裊滿院鶯聲啼文津閣本作鳴不了梅
似豆柳如綿枝上好花吹又少 步芳園臨小沼春
去今年何獨早送舊恨接新愁只恐容光容易老

河滿子 第三體

傷春

淑景朝朝易過啼痕面面爭流寒食清明都去遠風
光煞是難留苑外落紅萬點傷心莫上高樓 杜宇
喚醒午夢垂楊綰住春愁怪底年年當此際教人蹙
斷眉頭說與東君知道問他還忍歸不

黃鶯兒

送春

落花飛絮隨風亂，輕暖輕寒，綠柳紅亭，芳草無人，淒淒江岸。見燕翦試雛飛，蝶板尋香，泛多應春去難留。爭向天涯，殷勤遙錢，分散來日，信傳梅歸，日風吹棟，千山雲外，煙景清和，傷心水流。瓜蔓嘆少婦曉妝樓，游子玄都，觀一樣夢遶。文津閣本無遶字。陽關生把多情騙。

鳳樓文津閣本作臺春

初夏

簾幙晝陰陰，綠滿庭。文津閣本作亭。心懶行吟，倉庚覘院，帶春音穿戶，對對相親。想是春光去不遠，向花下追尋。漫開襟，玉局瑤琴，欄杆遍倚，閒愁閒悶，困人天氣，難禁風動，蝦鬚薔薇香透。小園林北窗，才啓梅雨，靈靈。

謝池春第二體

夏日

石榴花下看日影，知亭午，湘簟展，層波紈扇，隨金塵簾捲。薰風透坦腹，堪清暑，檢茶鐺，添香縷。小童睡去，乳燕窺朱戶。從容瀟灑，坐一刻懷千古。娛客舊詩。

書學語新鸚鵡幽夢羲皇上五柳隨風舞竹初長蓮
未吐池塘綠淺虧得前朝雨

憶秦娥 第二體

夏暮

水亭空荷花灼灼愁薰風愁薰風新涼一枕漸上簾
櫳 初生螢火光融文津閣本作夜光融夜來幾點
隨西東隨西東輕羅小扇亂撲花叢

風中柳

夏曉

聽罷鳴雞又見風敲翠竹啓紗窗朝光四屋滂沱揮
汗待蘭湯早浴喜書童煎茶正熟 磅礴解衣難得
玄冰一服笑行車侵晨轆轤澆花出戶倚徧藥闌幾
曲看枝頭茉莉如簇

鷓鴣天

夏晚

荷葉田田小院陰雲峯纔散碧沉沉山堂送日西傾
盡淨坐莓苔弄素琴 蚊作市鳥歸林避風浴罷敞
衣襟芳樽初試葡萄酒枕上青奴伴醉吟

長相思

夏夜

着輕羅脫輕羅邀月傾杯夜若何搔頭好放歌
對姮娥問姮娥桂殿清虛冷氣多星橋有路麼

醉落魄

夏夜不寐

星稀露重風吹院外芭蕉動城頭鈴鐸聲相送薄醉
還醒渺渺難成夢 紙屏石枕何人共舊愁未了新
愁壅多情好月穿窗縫起坐窗前長笛無心弄

醉春風

夏日飲歸

月出天如曙雪巘笙歌度巨羅初放小風來去去去
楊柳橋頭葡萄架下一身清露 手捏齊紈素醉眼
開雲霧晚粧茉莉滿街香住住住試看嬌娥納涼小
坐拈花頻顧

醉桃源

夏日聞鶯

穿花蝴蝶滿庭飛雙槐綠正齊如簧鶯舌再三啼驚
聞出絳幃 梅子熟豈花肥春光去幾時暖風吹老
鬱金衣啾啾何處棲

搗練子

酷暑

寒水竭火雲升空坐山亭并水亭搖盡齊紈揮盡汗
無由赤脚踏層冰

醉蓬萊

夏日遊湖

看遙遙北渚瀲灩清光炎蒸不到綠舫輕搖向綠楊
停棹紅藕香中開懷散髮好臨波長嘯語向奚奴清
閒執事筆床茶竈 試望蒹葭離披湖上荷葉荷花
亭亭窈窕沙鶴溪禽勸擎杯一笑不用彈絃何須吹
管聽漁家小調落盡紅輪疎螢幾箇又來相照

望海朝

夏日觀荷

老耶一曲西湖十里何須太華峯頭翠葉田田紅粧
冉冉六郎近日嬌羞玉井藕香柔更淩波步步窈窕
清幽越女吳姬採花輕泛木蘭舟 水宮仙子遨遊
任飛來飛去野鷺閒鷗帶月夜舒迎風晝卷漢家別
樣風流綽約待凝眸趁良宵美酒醉賞消愁莫待紅
衣落盡對高秋

燭影搖紅

夏日采蓮

雨灑橫塘芙蓉藻朵朵嬌含露輕衫窄袖上蘭舟搖蕩

花深處翠蓋相牽休住聽歌聲更尋前路風生柳下
日落溪頭紅粧徐步撩亂心情對花攀折都成誤
碧天新月動波光恰是文津閣本作似催歸去手把
碧筒四顧酒須沾酒家難遇船頭斜轉撥刺一聲鴛
鴦飛過

踏莎行

夏夜露坐

露墜紫髯風吹白面清涼閒却桃花扇新蟬噪柳不
曾停疎螢繞竹時常見月共追歡影堪作伴金尊
在手何須勸庭空漫熱水沉香醉來欲展蘄州簟

減字木蘭花

夏日納涼

火榴齊吐趁手虧光能却暑雲樹迷離赤日當頭總
不知殘書數卷展着桃笙消晝倦興味蕭疎似幅
滕王蛟蝶圖

漁家傲

夏晴

窗隙日光圓似鏡垂楊洗盡春情性枝上鳥聲文津
閣本作鳥聲聲都不定人寂靜單衣脫帽穿花徑
戲着小童敲石磬青苔滿地沾泥灣茅屋常關欄獨

凭須相迎袈裟風動花相映

菩薩蠻

夏雨

遠山陣陣陰雲起芭蕉聲碎愁人耳閣外小溪平溪
船罷採菱碧山空對面白鷺文津閣本作鳥飛還
見惱亂野人家風吹處處蛙

繫裙腰

夏寒

薔薇開謝麥秋天那堪風雨連綿前朝初試羅衫好
到得今辰文津閣本作朝又難耐晚風前檻外荷
花抽嫩綠新葉大總如錢鴛鴦一對渾忘冷尚宿池
邊看雙戲處碧波圓

繡帶子

夏郊

梅雨乍晴天隴上麥漸漸是處綠肥紅瘦血淚溼啼
鵲玉勒金文津閣本作錦鞍韉章臺下醉拂金鞭
東門綦縞輕翻羅袂一晌留連

生查子 第一體

夏景

人靜綠槐天點檢輕羅好莫放畫簾垂乳燕雙啼早

琴韻奏南薰日斜猶未了回首看茶鐺一縷清煙嬾

八六子

夏閨

看牆頭前朝李樹桃花斷送風流但枝上烏驚朱槿
池中魚戲青蘋薰風滿樓多情望斷牽牛早起獨
開繡帳夜眠誰共香篝孤負却窗前一床湘簟夏日
原長今年覺短更兼小膽空房易怯修眉照鏡生愁
瘦堪憂腰肢不待高秋

浣溪紗

夏興

叢槐滿徑野花香乳燕驚飛出畫梁冰肌玉骨自生
涼鵲尾爐中灰未冷水晶箔外日偏長浮瓜沉李
坐匡牀

小重山

夏懷

五柳陰陰罩小窗夢回殘卷盡對斜陽誰家河朔共
飛觴銷愁處漁唱滿滄浪重坐竹方床七輪丁緩
扇進風涼惠山泉煮紫茸香看新月影落鬱金堂

雨淋鈴

夏感

捲簾開幕下階穿徑搔首寥廓薰風處處吹面今朝
何事此心冷落嘆息東流往蹟正難禁寂寞念天生
吾輩情鍾蓬山萬里成離索花前月下須行樂却
無聊望斷西飛鵲一杯酒醒任羲皇解不去心頭惡
散髮披襟待要說與北山猿鶴怕草堂勒字山靈怪
我多情錯

蘇幕遮 第二體

夏情

畫簾低人語悄楊文津閣本無楊字柳枝頭送得薰
風到出水青青蒲葉小荷蓋高擎下宿鴛鴦鳥日
啣山月印沼隱隱輕雷蟬螻西升了疎雨無聲微着
草睡向方床幾點螢光早

夏初臨

夏思

日透叢槐蟬鳴高柳碧紗窗戶風生玉骨清涼遲遲
午倦釵輕含愁斜倚銀屏看雙蛟蝶多情黃金檻
外相妃簾底不耐閒行夢沉寒玉灰冷爐煙金針
閒却綉線飄零粉慵朱懶臺前鸞鏡空明泪眼盈盈
伴孤眠朝燕昏螢甚炎蒸追思往事意冷如冰

滿江紅 第二體

夏怨

蝶粉蜂黃纔過了牡丹天氣朱檻外石榴紅綻照人
衣袂芳草堤邊鴉影亂垂楊岸上鶯聲碎正新裁紉
扇手中攜槐陰憩花已落門空閉常禁受愁滋味
更雨意雲情許多無謂怪首看天忘日午引盃獨酌
難成醉到不如重到北窗前昏昏睡

釵頭鳳

夏愁

珠簾箔金跳脫避風臺上羅衫薄爐香燼園花隕一
同冷落夢魂難近恨恨恨思綽約增離索象床綉
枕渾如昨人瘦損衣寬褪花晨月夕泪珠偷拭悶悶
悶

烏夜啼

夏恨

鸚哥尚喚琵琶晚風斜記得年前同坐碧窗紗 簫
已斷人不見向誰嗟欄外那堪茉莉又開花

謁金門

夏病

春乍去留得一天飛絮寂寞眼看腸斷處能經幾朝
暮 玄鳥歸來初乳消瘦那知如許無賴杜鵑啼更

苦催愁來院宇

夜行船

夏別

煙柳河橋無數纔折得泪痕如雨人生偏是別離多
夢飛南北東西路念相守又幾經朝暮天涯外任
君游去但願秋來不寐時也念人相思辛苦

金明池

夏游

荷淨追涼竹深留客院裏花如迎送啄盡麥英櫻桃
也烏鶻亂只怕鬧醒佳人夢買百壺美酒如泉聽罷
了子野胡床一弄更寒水調冰鉛刀雪藕強似笙歌
歡縱河朔人人持碧筒那柳下嵇康蕭條誰共接
籬好向高陽倒襦蘄莫作窮途慟奈飛雲過雨時來
覺詩思無端且偷閒空任折角前村披襟南陌也索
醉眠休動

黃鐘樂

夏旅

他鄉不覺試絺衣瀟灑襟懷北窗高臥亂鶯飛莫嘆
山川非故國麥秋梅雨掩雙扉避暑休思襖蘄歸
纁夏道遙冰心一片客中稀夢到匡廬看瀑布旅吟

時學謝玄暉

婆羅四引

賞夏

山園槐序綠陰濃處曉鶯啼冰絃聲動柔荑不覺松
風入戶爽氣接峯西看清塵辟暑文津閣本作處倒
插簷犀 湘簾乍低怕日午夢還迷漫把綠熊簾卷
翡翠觴攜追涼河朔看雨過屋角挂虹霓紗窗外月
滿青谿

水調歌頭

苦夏

悶坐苦炎熱何日起清涼時時揮汗如雨閉戶懶衣
裳總有浮瓜沉李未得冰壺雪嶠倦倒竹方床欹枕
看圖畫竟日罷焚香 夢飛瀑思露井慕文津閣本
作坐幽篁漁歌嘹亮不知何處浴滄浪那得龍皮裁
扇去覓驪山下榻一任日舒長無奈紅塵近心地若
探湯

十五家詞卷十八